

甘宁青史略

甘寧青史略卷之八

唐宣宗王大中六年夏六月以畢誠為邠甯節度使

誠為翰林學士時黨項據河西言宗嘗召訪邊事誠授質古今

條破羌狀甚悉帝悅曰吾將擇能帥者孰謂頗牧在吾等署卿為朕行乎誠唯前拜利部侍郎出為邠甯節度河西供軍安撫事誠到軍遣使諭羌女皆順向

饑乏誠募士置屯田歲收穀三十萬斛以省度支經費詔書嘉美

癸酉七年閏六月吐蕃餘衆寇邠甯州兵擊却之

丙子十年冬十月以邠甯慶節度使檢校禮部尚書邠州刺史上柱國賜紫金魚袋

畢誠為檢校兵部尚書

案唐百官皆有隨身魚符新書車服志高祖入長安罷隨竹使符班銀菟符其後改為銅魚符又云隨身親王以金庶官以銅皆題其位姓名官有貳者加左右皆盛以魚袋三品以上飾以金五品以上飾以銀刻姓名去官納之不刻者傳佩相付是魚袋為盛魚符之囊當以嫌帛為之即隨身魚符亦必題官位姓名唐亡此制遂廢而清屬有用之者宋時高麗賀金正表末云使朝散大夫衛尉少卿輕車都尉賜紫金魚袋李仲衍奉表稱賀以聞所謂賜紫金魚袋豈沿用唐制耶

丁丑十一年春二月以邠州刺史充邠甯慶節度使畢誠管內營田觀察處置兼

充慶州南路救援鹽州及當道公路鎮寨糧料等使

秋八月以陸耽代盧簡求為涇原節度使

耽時為鹽州防禦押蕃落諸軍防秋都知兵馬使度支烏池權稅等使檢校右散騎

常侍鹽州刺史

九月以秦州刺史李承勛為朝散大夫檢校工部尚書涇州刺史充四鎮北庭

涇原渭武節度等使

承勛光弼之孫也

冬十月以尙延心為河渭都游奕使

先是吐蕃河渭州守將尙延心以國亡亦獻款秦州刺史高駘遂收河渭二州秦成防禦使李

承勛利其羊馬誘之入鳳林關居秦州之西承勛與諸將謀執延心誣云謀叛盡掠其財徙其衆於荒遠延心知之因承勛軍宴坐中謂承勛曰河渭二州土廣人稀因以飢疫唐

人多內徙三州吐蕃皆遠遁於聲容之西二千里間寂無人煙延心欲入見天子請盡帥部衆分徙內地為唐百姓使西邊永無傷塵之警其功亦不愧於張義潮矣承勛欲自有

其功猶豫未許延心復曰延心既入朝部落內徙但惜秦州無所復恃耳承勛與諸將相顧默然翌日諸將言於承勛曰明公首開營田置使府擁萬兵仰給度支將士無戰守之

勞有耕市之利若從延心之謀則西陲無事朝廷必罷使府省戍兵還以秦州隸鳳翔吾屬無所復望矣承勅以爲然即奏延心爲河渭都游弈使使統其衆居之

案唐六典天下二十六關其關則有藍田關華州則有潼關同州則有蒲津關岐州則有散關隴州則有大震關原州則有隴山關長安則有子午關駱谷關庫谷關同州則有隴

門關會州則有會甯關原州則有木峽關石州則有孟門關嵐州則有合河關雅州則有

叩味關彭州則有靈崖關安西則有鐵門關興州則有興城關渭州則有中和關涼州則有

甘泉關百牢關河州則有鳳林關利州則有石門關延州則有永和關綿州則有梧嶺關

龍州則有涪水關河州亦有二十四關而鳳林爲最險杜甫詩鳳林戈未息指河州而言

也

慕壽祺曰建牙開府出鎮邊城豈爲一身利祿計乎吐蕃酋長尙延心願徙內地諸將故爲阻撓鮮不曰明公所以置使府擁萬兵者爲吐蕃常寇邊耳何不留此輩爲公重在諸

將但知有家不知有國其卑鄙固無足論獨怪承勅以名臣之後而亦惑於牽聽嗚呼時勢至此尙何言哉尙何言哉

十二月蔣係爲鳳翔隴右節度觀察處置等使

時係以鳳翔尹兼御史大夫中散大夫權知刑部尙書上柱國賜紫金魚

袋檢校戶部尙書

戊寅十二年春三月鹽軍使楊玄价殺其節度使劉皋

案二真宗名忱憲宗等十三子故稱皇太叔在位十三年年號大中帝性明察沈斷用法無私從諫如流山惜官爵恭謹節儉志愛民物史稱爲小太宗惟以位爲樂諱言嗣繼至以是能宰相裴休崔暉等入朝二十二年秋八月帝崩於咸寧殿年五十宣宗弟王濬是爲懿宗

懿宗庚辰咸通元年秋八月以河東節度使裴休爲鳳翔隴右節度使原任鳳翔隴右節度使盧

簡求改爲太原尹北都留守河東節度使

壬午三年嘔末始入貢嘔末亦曰渾末吐蕃之奴號也吐蕃每發兵其富室多以奴從軍平居散處耕牧及論恐熱作亂奴多無主遂相糾合爲部落散在甘肅

瓜沙河渭岷廓疊宕之間吐蕃微者弱反依附之至是入貢

癸未四年春三月歸義軍奏克復涼州唐初分天下爲十道河西隴右三十三州涼州最爲大鎮開元天寶中置八監牧馬三十萬其西又

置安西都護府屬西蕃三十國軍鎮監務大小三百餘戍守之兵皆取涼州節度及祿山犯闕肅宗在靈武盡招河西戍卒收復兩京涼州遂陷於吐蕃至是義潮自將蕃漢兵

七千人復涼州遣使入告

案敦煌石室有唐宗子隴西李氏再修功德記碑文字剝落不可盡讀味其文義李氏唐之宗室世居敦煌年纔弱冠爲張義潮所知從軍擊吐蕃殄勦寇於河蘭滅獯戎於瀚海

以功授涼州司馬檢校國子祭酒兼御史中丞賜紫金魚袋賜金銀寶貝其名闕不可考而明達明德明詮皆其兄也宗子之名其爲明字派無疑其妻南陽郡君張氏卽義潮之第十四女也其長子宏愿沙州刺史兼節度副使檢校右散騎常侍御史大夫上柱國次子安定瓜州刺史墨離軍押蕃落等使兼御史大夫三子宏諫甘州刺史兼御史中丞上柱國四子宏益朝議郎前守左神武君長史兼侍御史其敘義潮官階則云萬戶侯太保河西隴右一十一州節度與正史略有不同也其立碑則歲在甲寅十月庚申朔五日甲子唐昭宗乾甯元年也至其再修功德蓋李氏之先曾於莫高窟建佛寺李君之父贈右散騎常侍重爲整理後李君之妻張義潮之女又於巖窟繪畫佛像故爲再修因作此記備載李氏三世官闕政事及修寺梗概刻石置于佛洞清光緒二十九年敦煌石室發見李氏立碑處圖畫極工以不見風日金碧粉墨之色不變可爲塞外之美術品矣

慕壽祺曰涼州克復爲最晚吐蕃餘衆如何死守蕃漢兵士如何會攻運籌帷幄如何計畫從征將校是何姓名新舊唐書曾無一言及此是亦修史者之缺憾也使義潮生長中原又得文人爲作佳傳則與漢竇融晉張軌輝映後先矣萬戶侯何足道哉

置天雄軍於秦州

以成河渭三州隸焉

案甘肅地名之混淆變古者淆之實自古者淆之抑亦古者淆之也以秦州而言漢置天水郡矣後魏又別置天水郡東漢改漢之天水爲漢陽矣隋又改魏之天水爲漢陽後唐於天水之南境分立天水縣矣宋又立南北天水城秦州立自曹魏定於秦始然魏之秦州統隴右一道晉之秦州統七郡皆與今州境相懸也而齊梁僑置之秦州又非魏晉

之秦州其南秦州北秦州西魏之南秦州西魏之北秦州非皆冒古而淆之歟况乎考訂之家各徇己見竊願以略陽爲冀城常璩以河池爲仇池樂史以隴縣爲隴西以後唐之天水爲古縣顧祖禹位平襄於伏羌西南顧祖禹於秦州東南紀載多歧考辨滋舛欲衷一是豈易言哉

夏五月以神策大將軍馬舉爲秦州經略招討使以右金吾大將軍李宴元爲

夏州刺史朔方節度

是歲遣涼州節度領涼洮西鄯河臨六州治涼州

於是河鄯西三州隸涼州節度發鄯州二千五百人戍之

案後唐明宗時權知西涼府留後孫超遣大將拓拔承誨來貢明宗召見承誨云涼州西北至甘州五百里舊有鄯人二千五百爲戍卒及黃巢之亂遂爲阻絕今城中漢戶百餘皆戍卒子孫衣服言語略如漢人郭外數十里尙有漢民陷沒者耕作

詔授超河西軍節度使留後超卒有折通嘉繼之甘州亦伊等所轄也
慕壽祺曰唐之衰也關外四鎮縱不能恢復涼州近在咫尺屏蔽西京且其地士馬精強豈無可用之兵而煩彼鄯州二千五百人遠戍於甘涼邊地耶古之爲天下者患德之不足而不患地之不廣患民之不安而不患兵之不精果能以德服遠人視民如同胞則河西爲中國之心腹調人屯戍不必煩內地也但發隴右諸州兵內安外甯綽然有餘裕矣
故治甘肅莫妙於用土兵

甲申 五年升秦成兩州經略天雄軍使爲天雄軍節度觀察處置營田押蕃落等

使 先是大中三年升秦州防禦守捉使爲秦成兩州經略天雄軍使是歲秦州隸天雄節度增領階州

丙戌 七年鄯州城使張季頤與論恐熱戰破之 收器鎧以獻

吐蕃餘衆寇邠甯節度使薛弘宗却之

冬十月吐蕃拓跋懷光斬論恐熱傳首京師 回鶻僕固俊與吐蕃戰拓跋懷光斬恐熱首傳京師吐蕃自是衰絕乞離胡君

臣不知所終其部衆有奔秦州者尙延心邀擊破之奏遷於嶺南於是河隴肅清朝廷無西顧之憂

案舊唐書安史之亂西庭二州相繼陷於吐蕃宣懿之世吐蕃論恐熱作亂張義潮收復河西驅逐吐蕃論恐熱敗走西州時有回鶻大酋僕固俊者爲北庭首領義潮檄其起兵

與吐蕃大戰會拓跋懷光斬論恐熱傳首京師僕固俊使達于米懷玉來朝且獻俘因請命遂掠取西州輪臺等城故西州有克韓國新復黑州韓王皆其後焉

丁亥 八年春二月歸義節度使張義潮入朝 七年七月義潮遣使貢方物至是義潮請覲見命其族子淮深守歸義

慕壽祺曰余嘗論五代之末中國多事准制西戎爲得之中國未嘗遣一騎一卒遠屯塞上但任土豪爲衆所服者州邑征賦所入足贍兵養士西顧無邊鄙之虞當此之時

元昊之先世相繼爲銀州防禦使是土豪爲衆所服者世居朔方稱雄沙磧儼然一唐末之藩鎮也豈知有唐末葉沙州首領張義潮其力已足以制西戎而朝廷疑之詔爲右神武統軍留之京師賜第及田後中原多故歸義城多沒嗚末未幾張氏後絕沙州人復推曹義金爲首領遂授歸義節度使可與義潮輝映後先矣

壬辰

十二年秋八月歸義節度使張義潮卒以其長史曹義金代之

是後中原多故朝命不及回鶻

陷甘州餘州亦爲羌胡所據義金所守者瓜沙二州而已

羅振玉謂直齋書錄解題卷七載敦煌新錄一卷叙張義潮本末作者不著名氏而書成於天成四年云云是此書之成距義潮卒僅數十年耳所記必得其實陳氏當南宋末季尙見其書不知歐宋諸公及司馬溫公何以不一采及又觀近古堂書目及天一閣進呈書目均載敦煌新錄則此書直至清乾隆時海內尙有傳本當日館臣不采入四庫全書

考古者憾焉

慕壽祺曰近之小軍閥得一縣之地其政權遂永遠把持矣况蘭河臨廓十餘州之地悉爲張義潮所取得者乎假使倡言自治則固取諸吐蕃之手唐之君若臣其如彼何哉乃舉優先占領權奉還國家此其人森森落落可告天下後世而無愧以其毫無自私利心也誰秉國鈞因其入覲留諸京師以至於死若惟恐其割據也者甯不爲邊人所竊笑耶

案史懿宗名雅實宗子在位十四年年號咸通當是時歸義軍節度使張義潮入朝不令其還鎮前所收復之瓜沙十一州不暇理是以內盜迭興南詔再亂民逐其上而唐室大壞矣帝以咸通十四年秋七月崩於咸甯殿年四十一普王儼即位時年十二是為僖宗

僖宗

甲午

乾符元年回鶻為嗾末所敗

回鶻據甘州屢求册命上遣郝宗萬詣其國擬册立其酋長為可汗會回鶻為吐蕃奴部嗾末所敗

逃遁不知所之

案文獻通考貞觀中滅高昌以其地為西州安史之亂其地陷沒復自為國詔亦曰高昌後有回鶻入其國故又謂之回鶻後五代時嘗入貢宋太祖乾德三年西州回鶻可汗遣僧法雅獻佛牙瑠璃器琥珀蓋太宗太平興國六年其王始稱西州外生師子王阿廝蘭漢遣都督麥溫來獻是年五月宋遣供奉官王延德等使高昌然則僖宗時郝宗萬還所云回鶻逃遁不知所之者以其地考之始由甘州出玉門關輾轉以至吐蕃地也

丙三年夏六月乙未

靈州地震裂水湧出

壞州城及公私廬舍皆盡七月辛巳雄州地又震

案一統志雄州唐初所置徙治承天堡為行州故城在甯夏衛靈州城西南後書明宗天成三年秋八月以韓瑛為朔方軍節度使靈武雄警甘肅等州觀察使是雄州之名五代時未

丁酉四年秋七月鹽州軍亂遂刺史王承顏詔貶承顏象州司戶

承顏素有政聲以嚴肅為驕卒所逐

朝廷與貪暴致亂者同貶時人惜之

辛丑

中和元年春三月詔以涇原節度使程宗楚為副都統與都統鄭畋討黃巢

黃巢起廣州自號義軍百萬過江南無人拒捍潼關不守西人長安帝倉皇出幸成都至興元以鳳翔節度鄭畋為京城四面行營都統畋奏以宗楚為副都統又涇原節度唐弘夫敗巢軍於興平巢遣將尙讓林言等率眾五萬寇鳳翔畋使司馬唐弘夫伏兵要害自以兵數千陳於高岡賊以畋書生輕之鼓行而前伏發大敗於龍尾陂斬首二萬餘級畋遂

傳檄討賊

案唐書中和元年三月京城四面諸營都統鄭畋會同涇原諸將傳檄天下合兵討賊其文曰鳳翔隴右節度使尙書左僕射同中書門下平章事充京西諸道行營都統上柱國榮陽郡開國公長邑二千戶鄭畋移檄告諸藩鎮郡縣侯伯牧守將吏曰夫屯享有數否泰相公如日月之耀虧似陰陽之愆伏是以漢朝方盛則莽卓肆其姦兇夏道未衰而梁浞聘其殘酷不無僭惑尋亦誅夷即知妖孽之生古今難免代有忠貞之士力為匡復之謀我國家應五運以承乾躡三王之垂統綿區欽化而宇歸仁十八帝之鴻猷銘於神鼎三百年之睿澤播在人謠加以政尙寬弘刑無枉濫翼勤行於王道孜孜務恤於生靈足可傳寶祚於無窮御瑤圖於不朽近歲螟蝗作害旱暵延災因令無賴之徒遽起亂常

之暴雖加射誅猶肆猖狂草賊黃巢奴僕下才豺狼醜類寒耕熱耨不動力於田疇偷食
靡衣務偷生於剽奪結連兇黨驅迫平人始擾害於里閭遂侵凌於郡邑屬以藩臣不武
戎士貪財徒加射誅之名竟作遷延之役致令滋蔓累有邀求聖上愛育情深含弘遠廣
指萬方而罪已用百姓以爲心假以節旄委之藩鎮冀其核革免因疲羸而殊無犬馬之
誠但恣蟲蛇之毒剽掠我征鎮覆沒我京都凌辱我衣冠屠殘我士庶視人命有同於草
芥謂大寶易取如弈碁而乃竊據宮闈僞稱名號爛羊頭而拜爵續狗尾以命官蓋巢
以詩安魚在鼎而猶戲殊不知五侯拘怒期分項羽之屍四塚既成待莽蚩尤之骨猶
廣侵田宅濫積貨財比谿壑以難盈類鳥鳶而縱攫茫茫赤縣僅同夷貊之鄉惴惴黔黎
若在梓牢之內固已人神共怒行路傷心敗壞領藩垣榮兼將相每枕戈而待旦常泣血
以忘餐與義士共剪狐鳴狗盜近承詔命會合諸軍皇帝親行六師即離三蜀帶
戈萬隊鐵馬千羣雕虎嘯以風生應龍驤而雲起淮南高相公會關東諸道百萬雄師計
已夏初會於關內吹與涇原節度使程宗楚秦州節度使仇公遇等已驅組練大集關畿
爭應隴右之蛇行掃關中之蟻聚而吐蕃黨項以久披皇化深憤國讎願以沙漠之軍
共獻盪平之捷此際華戎合勢藩鎮連衡旌旗煥爛於雲霞劍戟晶熒於霜雪莫不
待試賣勇爭先思垂竹帛之功誓雪朝廷之恥矧茲殘孽不足殄除况諸道世受國恩身
縻好爵皆貯匡邦之略咸傾致主之誠自函洛構氛鑿輿避狄莫不指銅駝而誓裂玉
壘以魂銷聞此勤王固宜投袂更希憤激速殄寇讎永圖庇稷之勳以報君親之德遐鑒
反正豈不休哉時駕在申維音驛阻絕以爲朝廷無能復振及畋傳檄諸藩樂動各治勤
王之師巢賊聞之大懼自是賊騎不過京西是年冬十月鳳翔行
軍司馬李昌作亂敗即日西赴行在詔以昌言爲鳳翔節度使

夏四月丁亥朔方節度使副都統程宗楚為黃巢所殺

時唐宏夫屯渭北王重榮屯渭苑王處存屯渭橋拓

拔恩恭屯武功鄭畋屯盩厔宏夫乘龍尾之捷進薄長安黃巢率眾東走程宗楚先入宏夫繼至軍士釋兵入第舍掠金帛姬妾賊露宿上詢知官軍不整還襲之大戰長安中

宗楚宏夫皆死軍士死者十八九巢復入長安

慕壽祺曰昔李晟復長安入城三日而人不知所謂節制之師也而朱泚亦無還襲之能力時黃巢據長安程宗楚未之朔方率邠甯之師與諸軍會攻長安宗楚先入唐宏夫等繼至黃巢走當是時使宗楚令軍中曰凡吾所以來為國家討賊京師各第舍所有金帛姬妾勿掠兵士亦可以就我範圍討不出此縱兵殃民巢復入長安宗楚弘夫死豈非虜掠之誤事哉

秋七月以朔方節度使拓拔思恭為京城南面都統

拓拔思恭本黨項羌也初為宥州刺史糾合夷夏兵

會鄭延節度使李季昌同盟討賊是年九月丙午拓拔思恭與黃巢戰於東渭橋敗績

九月忠武監軍使楊復光以河西之師屯武功

寅二年春二月丙戌以邠寧節度使朱玫為河南都統諸防遣使致後與李昌符以邠岐兵追逼

乘輿上復走入大散關攻還京遣王
行瑜寇興州又立襄王嘯稱帝改元

是歲夏州節度使賜號定難節度

夏四月諸道行營都統王鐸以涇原等道兵討黃巢

鐸將兩川興元之兵屯靈感寺涇原屯京西易定河中屯

渭北邠甯鳳翔屯興平保定難屯渭橋中武屯武功官軍四集巢勢日蹙號令所與不出同華翌年五月李克用破黃巢收復長安巢至瑕邱為其將林言所斬並斬其妻子首獻以

案北夢瑣言王鐸重德明家位望崇顯率由文雅非定亂之才荆州失守復把潼關黃巢差人傳語云令公儒生非是我敵請自退避無汚鋒刃於是隨僖宗播遷於蜀再授都統欲雪前恥以成大勳至是以涇原等道兵進逼長安又以徽縣木皮嶺地極險要置關於此以遮秦嶺大勳不成竟罹非命初落都統後有詩其要云勅詔已聞來闕下檄書猶未遍軍前亦有志而未之逮也

甲辰四年秋八月進李克用爵隴西郡王

初克用有叛國之罪既乃赦而用令其討賊立功中和三年夏五月克用破黃巢收復長

安其時諸道兵四集而克復之功乃在沙陀至是封為隴西郡王賞有功也

丙午光啓二年夏六月朱玫遣將王行瑜率邠甯河西之師五萬屯鳳州

攻時爲邠甯節

度使去歲六月辛卯及黃巢戰於興平敗績至是遣行瑜屯兵鳳州

冬十月楊晟襲文州陷之逐刺史遂據成文茂等州

先是廣明元年冬十二月黃巢入長安上自駱谷趣興元

詔諸道出兵收復京師感義軍節度使楊晟西奔據成文茂等州尋爲王建所殺

丁未三年春正月以邠州都將王行瑜檢校刑部尚書兼邠州刺史邠甯慶節度

使檢校猶後世之加銜也

案漢制以本官任他職者曰兼常惠以右將軍兼典屬國是也以高官攝卑職者曰領劉向以光祿大夫領校書是也唐制以本職署高官者曰權以侍郎權尚書之類是也以軍官加京秩者曰檢校以某某檢校太師檢校司徒之類是也昔東晉時有檢校御史沿襲至唐遂爲虛榮宋因之自檢校太師至各部員外郎皆是清陝甘總督例加兵部尚書銜卽之唐檢校也

秋七月以上柱國隴西郡公食邑一千五百戶李茂貞檢校司空同平章事兼

鳳翔尹鳳翔隴右節度等節

茂貞從此盡有山南梁洋興鳳岐隴秦涇原等十五州地

案史信宗名儼懿宗子在位十五年改元五曰乾符曰廣明曰中和曰光啓曰文德帝即位之初大盜橫行震蕩飄忽所至屠戮雖飢窮所迫其原皆起於姦貪肆虐之官吏皆不圖其本於乾符三年春令天下鄉村各置弓刀鼓板以備羣盜始與兒戲無異故信宗之意非盜賊無害者又書殺諫臣三即此足以決唐之必亡矣文德元年春三月帝崩於武德殿年二十七皇太弟李王傑即位是為昭宗

昭宗 戊大順元年冬十一月河西及夏州軍各回原防

是年秋入原將李存孝率兵據邠州上表歸朝存孝

李克用養子也時河西夏州軍各回原防李全忠遣驛將葛從周將千餘潛自壺關夜抵潞州犯關入城又遣別將攻李罕之於澤州奏請遣孫揆赴鎮張潛亦恐昭義遂為汴人所據使揆將兵二千趨潞州八月發晉州存孝聞之以三百騎伏於長子西谷中擒揆及中使韓歸範獻於克用克用遣大將李守信薛阿撻拒王師於陰地三戰三捷由是河西夏州歸邠岐之軍渡河西歸

王景福元年春正月秦州守將李茂莊等請討楊守亮

茂莊等上表陳請以元楊守亮納叛中楊復功請

出本軍討之

冬十一月邠甯及鳳翔之師攻興元府克之

癸丑二年春正月以徐彥若為鳳翔隴右節度使

上體貌明粹有英氣喜交遊以信宗威令不據朝廷日卑有恢復前烈之

志簡任疆史夢想賢豪中外忻忻焉

甲寅乾甯元年涇原節度賜號彰義軍節度

增領渭武二州渭州原州之平涼縣武州原州之蕭關縣皆乾元後所置據郡名

不列上中下之第

案唐志渭州元和四年以原州之平涼縣置縣一平涼行渭州廣明元年為吐蕃所破中和四年涇原節度使張鈞表置武州大和五年以原州之蕭關置中和四年僑治潘原縣

一蕭關

乙卯二年秋七月詔涇州令張鐸起涇原之師會李克用軍討王行瑜初行瑜寇興州詔神策都

將李茂貞拒之茂貞博野人宋文遙也以功與茂貞戰數敗與其下謀曰今無功歸亦死曷若與女曹斬朱玫首定京師迎大駕取邠甯節度乎衆從之遂引兵歸長安斬玫首襄王煊奔河中王重榮殺之傳首行在上以行瑜為靜難軍節度使是年春二月行瑜以不得尚書令怨朝廷畿內有八鎮兵隸左右軍郃陽鎮近華州韓建求之長安

鎮近邠州王行瑜求之宦官曰此天子禁軍何可得也王珂王珙爭河中行瑜建及茂貞皆爲珙請不能得恥之珙使人語三帥曰珂與河東昏姻必爲諸公不利請討之行瑜使其弟同州刺史行約攻河中而自與茂貞建各將精騎兵數千人入朝市人竄匿上御安福門以待之三帥盛陳甲兵拜伏舞蹈上詰之曰卿輩不奏請俟報輒稱兵入京城其志欲何爲乎若不能事朕今日請避賢路行瑜茂貞流汗不能言獨韓建粗述入朝之由上與之宴三帥奏稱南北司互有朋黨繫紊朝政韋昭度討西川失策李谿作相不合衆心請誅之上未之許行瑜等輒殺之及樞密使康尙弼等數人請除王珙河中徙王行約於陝王珂於同州上皆許之李克用聞三鎮犯闕即日遣使發北部兵期以來月度河入關始三帥謀廢上立吉王保及聞克用起兵行瑜茂貞各留兵三千人宿衛京師與建皆還本鎮至是克用舉軍渡河討王行瑜李茂貞韓建稱兵犯闕之罪時上在鳳翔令蹇起涇原之師會討之

案良原鎮一統志云本隋之良原縣屬安定郡唐宋俱屬涇州元省爲鎮故址在平涼府靈臺縣西北九十里

八月以上柱國隴西郡王李克用爲邠甯四面行營都招討使時克用進軍渭橋

案史索隱渭橋有三西渭橋在咸陽路或曰卽便橋漢武帝造在長安西東渭橋在涇陵路或曰在萬年縣東不知始自何時中渭橋秦時造在故城北或曰在長樂宮北

以李思孝爲北面招討使定難軍節度使

案李唐於今甯夏所屬以夏州朔方郡領朔方靜德甯朔三縣而靈州靈武郡領迴樂靈武懷遠保靜四縣更以統萬城為定難節度使治均屬關內道唐末拓跋思恭鎮夏州其弟思謙代之遂世有其地歷五代迄宋其孫繼捧入朝獻地景德間復據靈州傅子德明城懷遠鎮為興州居之即今甯夏省城其子元昊僭號陞興州為興慶府又改中興府遂為西夏國都

以夏州節度使李思諫充邠甯東北面招討使涇原節度使張鐸充邠甯西面

招討使

加李克用守太師中書令邠甯四面行營都統又以河中都監袁季貞充邠甯

四面行營兵馬都監押帝還京師克用擊靈州破之王行瑜潰圍出

以李罕之為邠甯四面行營副都統

冬十月庚寅王行約焚甯州以逃李克用及王行瑜戰於梨園敗之行瑜約王行實王行約燒劫甯州遁走偽守將徐景乞降上以蘇文建

為邠州節度使且以甯州為治所

十一月王行瑜出奔至慶州爲部下所殺行瑜將家屬五百人到慶州界爲部下所殺傳首關下慶州今之慶陽府也

庚光化三年秋八月以上柱國張承奉爲檢校左散騎常侍兼沙州刺史御史

大夫充歸義軍節度瓜沙伊西等州觀察處置押蕃落等使承奉沙州首領張義潮之後也

慕壽祺曰唐自穆宗以來八世而爲宦官所立者七君本始不正欲以正天下保邊垂其可得乎昭宗之時宮闕震驚民愁盜起畿內且不可保遑論瓜沙哉夫瓜沙孤懸塞外朝廷威力之所不及張義潮卒已久回鶻近在西州吐蕃猶未盡亡果操何術以守危如蟻卵之地也耶蓋承奉席乃祖之餘蔭又得曹義金爲之補助同力同心且戰且耕以瓜沙財力作爲餉需募瓜沙十兵保衛桑梓人人盡納稅之義務人人有當兵之資格無一毫自私自利之心存於其間使唐寶祚不傾得英雄以補助再復河湟有何難哉

辛酉天復元年夏五月丁酉至於己亥太白晝見經天在東井度

冬十月楊崇本以邠甯慶衍四州降朱全忠全忠初名溫黃巢黨也巢敗來降朝廷用爲節度封梁王是時屯兵三原邠州

節度使楊崇本以邠甯等州降

壬戌二年秋七月丙午孔勣取成隴州至秦州勣取鳳隴成三州皆下之

方鎮跳梁新履倒置時代 昭宗

蘭州俊華印書館出版

癸亥三年春以符道昭為秦州節度使同平章事從朱全忠之奏請也

夏四月西川節度使王建攻秦隴乘李茂貞之弱也

五月制鳳翔隴右四鎮北庭行軍彰義軍節度涇原渭武觀察處置押蕃落等

使開府儀同三司守尚書令兼侍中鳳翔尹上柱國秦王李茂貞可檢校太

師守中書令

案史昭宗名傑僖宗弟在位十五年改元七曰龍紀曰大順曰景禮曰乾甯曰先化曰天復曰天佑帝初即位首務強兵志張王室而性失卡急不審事宜三命出師不惟無功益以長亂及禍亂已成藩鎮惟李克用忠於王室唐以其戎狄疑而不信卒為朱全忠所逼遷都洛陽被弑於椒殿時天佑元年秋八月王寅日也太子祝立是為哀帝

哀帝丙寅天祐三年秋九月楊崇本攻夏州初崇本之降全忠也嘗自去其賜姓名矣既而討全忠則復其舊焉以其未忘李氏

也此其復書楊崇本何削之也君弑賊不討而內自相攻知有李氏者不如是矣

靈武帥韓遜奏吐蕃營於宗高谷吐蕃將西擊涼州宗高谷在甯夏賀蘭山後

冬十月楊崇本會鳳翔涇原秦隴及鄜延兵以討朱全忠

梁王全忠遣劉知俊救夏州邠人大敗

夏州告急於全忠全忠遣知俊等救之崇本將六鎮之兵五萬軍於美原知俊等擊敗之

梁勝攻下鄜延等五州西軍自是不振

案一統志美原唐之縣名屬兆府宋改屬耀州元省之故城在西安府富平縣東北三十里鄜州名在陝西省北與慶州鄰延州名即延安府亦在陝北密邇夏州

梁史哀帝昭宗子初封輝王名祚昭宗既為失全忠所弑乃立輝王為太子更名祝於柩前即位時年十三用天祐年號繼統論年因仍不改固見賊溫無道盡廢故典舉朝畏甚

亦無有敢告之者尙何恢復之可乎在位三年禪位全忠被弑唐亡天下為後梁朱氏所有

慕壽祺曰朱溫黃巢舊部唐天子用為節度身擁重兵位冠朝臣富貴極矣卒弑昭宗改號曰梁豈蒼蒼者故任其所為耶開當推求其故而知天之所廢不滅也矚其得志肆其

寵樂使忘其覺悟之心非縱之也厚其毒而降之罰也天遂其欲民惡其淫而其子亦得而弑之矣沙陀李氏遂起而滅梁天下復為唐有矣

五季

梁開平元年分注唐昭宣四年下二以後至周顯德六年俱分注每年甲子下以五代係十國之前標曰五季宋太祖建隆元年至開寶七年天下未一亦用分注係

五季之後

梁太祖(己)晉岐淮南稱唐天佑六年梁(己)開平三年是歲凡五國五鎮夏五月岐王李茂貞命劉知俊率兵攻梁

靈武 茂貞命劉知俊圍攻靈武且圖牧圍之地靈武節度使韓遜遣使來告急太祖命康懷英帥師救之師次邠州長城嶺

度使復命率衆攻興元進圍西縣會蜀軍救至乃退既而為茂貞左右石簡顯等間之免其軍政寓於岐下掩關歷年茂貞猶子繼崇鎮秦州因來甯觀言知俊途窮至此不宜以

讒嫉見疑茂貞乃誅簡顯等以安其心繼崇又請令知俊挈家居秦州以就豐給茂貞從之未幾邠州亂茂貞命知俊討之時邠州都校李保衡納款於梁末帝遣霍彥威率衆先

入邠知俊遂圍其城半載不能下會李繼崇以秦州降蜀知俊妻孥皆遣於成都遂解邠州之圍而歸岐陽以舉家入蜀

案九國志李彥琦劉知俊自靈武班師塗經長城嶺梁帥帥精銳數萬躡其後彥琦與知俊設方略擊敗之又王宗磯傳云岐將劉知俊等領大軍分路來攻由階成奪固鎮糧王

宗侃唐襲等襲之至青泥嶺鎮為知俊所敗退保西縣會大漢江漲宗磯自羅村得鄉導緣山而行數百里與宗播遇於鐵谷合軍出湯頭時知俊自斜山南直抵興州圍西縣

軍人散掠巴中宗磯與宗播襲之會王建亦至遂解西縣之圍

梁朔方節度使韓遂奏克鹽州 斬岐王李茂貞所署鹽州刺史李繼直

(庚)晉岐吳稱唐天佑七年梁開平四年夏四月梁夏州亂殺節度使李彝昌以其族

(午)年是歲淮南稱吳凡五國五鎮

父仁福代之夏州將高宗益作亂殺節度使彝昌將十立其族父仁福

秋七月丙辰岐王又命劉知俊攻梁夏州

岐人攻梁靈夏晉王遣周德威助之鳳翔李茂貞邠州楊崇本皆遣使來會兵同討靈夏由劉知俊三敗汴軍於甯州靈夏危蹙

岐隴之師大舉決取河西晉王命周德威將兵萬人西渡河以應之

岐晉合兵攻梁夏州梁遣兵拒却之岐王遣周德威將兵會圍夏州梁王恐晉兵襲

西京遣兵分屯河陽二原遣李遇邀其歸路岐晉兵皆解去

九月乙巳梁師敗蕃寇於夏州夏州圍解

(辛)晉岐吳稱唐天佑八年梁(未)乾化元年蜀永平元年 秋八月岐王使劉知俊攻蜀將王宗侃等敗走

西縣岐將劉知俊等將兵分道攻蜀由階成路奪固鎮糧蜀將王宗侃唐道襲等禦之至青泥嶺為知俊所敗退保西縣明年蜀行營都指揮王宗汾攻文州拔之雲州

刺史王宗鐸攻岐階州及固鎮破細砂第十一寨斬首四百級

（壬）晉岐吳稱唐天佑九年梁乾
（申）化二年是歲凡五國五鎮 冬十一月晉遣高萬興取梁州

回鶻吐蕃遣使者來朝於梁
後五代時凡言回鶻如唐同光二年十一月回鶻使都督
安想千來同光四年正月回鶻阿咄欲遣使者來長興元

年五月回鶻使孽梁祖來同月庚辰回鶻使安黑連復來長興二年正月己酉回鶻遣使
來是年十二月己巳回鶻使安思復來閔帝應順元年回鶻可汗遣使來清泰二年七月

回鶻可汗使其都督陳福海來晉天福三年三月回鶻可汗王仁裕使翟全福來貢是年
九月回鶻使者李萬金復來開運三年二會回鶻使突厥陸來漢乾佑二年六月回鶻使

者楊彥麟來乾佑三年閏正月回鶻使獨是
中國書西州二字以別之如周文廟廣順元年二月西州回鶻使都督來同時又記回鶻

使摩尼來
蓋兩事也

案史梁祖初名溫本嶧山一無賴耳從黃巢作盜後降唐天子賜名全忠用為四鎮節度
使並賜號回天再造竭忠守正功臣一旦汲唐家三百年祀履自稱皇帝在位六年改元

二曰開平曰乾化後為子友
珪所弑子友貞立是為末帝

末帝（癸）晉岐吳稱唐天佑十年梁王璠
（酉）乾化二年是歲凡五國五鎮 春三月丙戌梁以朔方節度使兼中書令

韓遜為穎川王
遜本靈州牙校唐末據本
鎮朝廷因而授以節鉞

梁以夏州節度使檢校太尉同平章事李仁福為檢校太師進封隴西郡王仁

自梁貞明龍德及後唐同光中累官至檢校太師兼中書令封朔方王長興四年三月卒於鎮其年追封號王

梁以行睦州刺史馬綽為檢校太傅同平章事領秦州雄武軍節度使

冬十一月梁遣鎮國軍節度使康懷英伐岐

岐王遣將劉知俊率邠岐秦涇之師取梁靈州梁遣兵救之大敗而還

梁王遣懷貞華州寇彥卿率兵攻迫邠甯以緩朔方之寇克甯衍二州拔慶州南城游兵及涇州之境知俊聞之解圍引還梁王急召懷貞等還知俊據險邀之懷貞大敗僅以身免岐王

以知俊鎮涇州

慕壽祺曰梁王召懷貞等還劉知俊據險以邀之賴左龍驤軍使王彥章力戰懷貞等始得生還彥章誠五代之名將也夫以彥章之勇失身於朱三有味於擇樹而棲之義惜哉

然豹死留皮人死留名終其身不肯梁王以視朝秦暮楚懷二心以事其君者豈非絕無而僅有者耶

(甲)晉岐吳稱唐天佑十一年梁夏五月癸丑梁朔方軍留後檢校司徒韓洙起復

成)乾化四年是歲凡五國五鎮

授朔方軍節度使檢校太保

梁朔方節度使韓遜卒以其子洙代之授開府儀同三司依前檢校太保同平章事

冬十二月蜀攻岐階州破長城關

(乙)晉岐吳稱唐天佑十二年梁

(亥)貞明元年是歲凡五國五鎮 春二月岐王李茂貞遣涇州節度使劉知俊率師

攻梁邠州

秋八月蜀主遣制置使王宗儔等攻岐取秦州岐秦州節度使李繼崇降蜀

冬十一月蜀遣兵攻岐克階成秦鳳州岐將劉知俊奔蜀

蜀王宗翰引兵出青泥嶺王宗綰等敗秦州兵

於金沙谷克階成州秦州節度使李繼崇遣子迎降知俊攻霍彥威於邠州半歲不克聞秦州降蜀妻子皆遷成都解圍還鳳翔懼及禍夜帥親軍斬關奔蜀軍宗綰攻鳳州克之案青泥嶺在成縣南元和志嶺在接溪山東懸崖萬仞上多雲雨行者屢逢泥淖故名杜甫青泥嶺詩朝在青泥上暮行泥雪中泥濘非一時版築勞人功李白蜀道難青泥何盤盤

(丙)晉岐吳稱唐天佑十三年梁貞明二年蜀通正

春正月庚申梁以杜建徽為涇州

子)元年契丹太祖神冊元年是歲凡五國五鎮

節度使

建徽時為浙江東道營田副使檢校太傅前常州刺史遙領涇州刺史

案五代史曰契丹在潢水之南黃龍之北鮮卑故地或云亦鮮卑別種戰國之世命為東胡者是也及阿保機併小族稱帝援立石晉又得其所割雁門以北幽州節度管内十六州蓋其地東北有盧龍塞西北有居庸關中國恃此以限界北狄自十六州既割之後山險皆為虜有而河北盡在平地無險可以拒守矣

又案歸田錄云契丹阿保機當唐末五代時最盛開平中屢遣使聘梁梁亦

遣人報聘今世傳

一有學士三字

李琪金門集有賜契丹詔乃為阿布機當時書詔

不應有誤爾自五代以來見於他書者皆為阿保機雖今契丹之人自謂之

阿保機亦不應有失又有趙志忠者本華人也自幼陷虜為人明敏在虜中

舉進士至顯官既而脫身歸國能述虜中君臣世次山川風物甚詳又云阿

保機虜人實謂之阿保謹未

一作莫

知孰是

一有也字

此聖人所以慎於傳疑也

梁慶州叛為李繼陟所據

(丁)晉岐吳稱唐天佑十四年梁貞明三年蜀天漢元年南漢
(丑)乾亨元年契丹神册二年是歲嶺南稱帝凡六國五鎮 秋八月辛巳梁以左神

武軍統軍周武為甯州刺史

冬十一月戊子梁以甯州刺史周武為武靜軍防禦使守慶州刺史以河潼軍

使竇廷琬為甯州刺史

廷琬世為青州牙將梁祖擢置左右同光初為復州游奔使
姦盜屏迹歷貝州刺史未幾請制置慶州鹽池逐年出絹十

萬正米十萬斛遂以廷琬
為甯州刺史俾制置之

(戊)晉岐吳稱唐天佑十五年梁貞明四年蜀光
(寅)天元年契丹神册三年是歲凡六國六鎮 秋八月辛亥梁涇原節度使杜建

徽加檢校太傅同平章事

建徽吳越王錢鏐之將也遙領涇原
節度至是以其上請加恩故有是命

(壬)晉岐稱唐天佑十九年梁龍德二年
(午)契丹天贊元年是歲凡六國四鎮 春二月壬子梁甯州守將牛知業與岐人

戰大勝遂奪回州城修之

時後梁猶未亡岐山李茂貞乘間取甯州境鄙度劉民斯
復擾當時公 全淪胥知業率本軍分總柄戎西征收

復比及克下而居人蕩空遺堵荒涼知業解囊中之金用家財之費爰度隙地蒞彼荆榛
負艮山之八次坎水之一遂乃備板幹具舂錘力役均而民無倦色恩惠洽而士乃同心

曲直從繩輪奐比美自餘曹署倉庫軍事院守將孔目諸院
馬厰鞠場教旗講武馳驛之傳舍兵士之營壘皆新所創署焉

案甯州公劉舊治其城南臨九龍西北臨甯江馬蓮三河自牛知業築城後至明嘉靖甲
午夜大雨百川驟溢山河水懷山襄陵而下遂冒東城入捲關廂人家幾盡間有漂至臨
潼渭南而出者有駕出三門砥柱山巔至汴而出者亦有居傍大城旱地波淺得避而生
者然十有二三後少參李文中修築三原馬理爲之記萬歷初知州馬彥卿易土堞以磚
募壽祺曰後梁之臣惟王彥章爲最著余過王鐵槍祠讀歐陽公畫像記徘徊不忍去何
令人之崇拜一至於此蓋其生平甘爲朱氏犧牲不肯朝梁暮唐耳知業之勇雖不及彥
章而於梁之將亡出死力與李茂貞戰恢復已失之甯州以城池殘破衙署不足壯觀
皆有以修之意謂尺地寸土爲梁所有不肯輕以予人是其居心積慮豈在彥章下哉新
舊五代史不爲之立傳由是以推自古忠
於其主而湮沒不彰者不知幾何人矣

案史未帝名友貞後梁禘朱全忠子即位後改元二曰貞明曰龍德初友珪弑其父全忠
年號鳳歷友貞起兵討賊友珪伏誅自立於大梁更名瑱在位十年龍德三年冬十月後
唐主入大梁瑱自殺唐廢梁宗廟追廢朱溫宗
友貞爲庶人天下爲莊宗所有是爲後唐莊宗

唐沙陀李氏有功於唐唐賜姓曰李莊宗以先
帝盡忠於唐爲唐復讎及有天下故仍稱唐

莊宗（癸未）岐稱唐天佑二十年梁龍德三年四月以後唐莊宗李
存勗同光元年契丹天贊二年是歲梁亡凡五國四鎮 夏四月己丑唐以夏

甘肅考史各上編卷八

中原紛擾英雄割據時代 唐莊宗

蘭州俊華印書館出版

州節度使李仁福

是為西夏之祖

依前檢校太師兼中書令

仁福夏州人也本姓拓跋唐貞觀初有拓跋赤辭者來歸

賜姓李世居平夏僖宗時拓跋思恭以討黃巢功復賜姓李拜夏綬節度使思恭卒弟思諫代為靖難節度使思諫卒思恭孫彝昌嗣後為其下所殺而仁福立不知與思諫為親

疎也仁福封朔方王卒子彝超立彝超卒弟彝興立周世宗時加太保宋興加太尉此西夏之所由興也

唐以朔方河西等軍節度使韓洙依前檢校太傅兼充靈鹽威警雄涼甘肅等

州觀察使

案新唐書警州本靈州定遠城元和志靈州有定遠城在城東北二百里本漢北地郡方渠縣之地宋初置定州西夏因之明地理志定州城在甯夏衛北六十二里又曰有田州城在衛北六十里今平羅縣地址考古者謂在田州塔南田州蓋定遠之訛也洪武初置平虜千戶所屬甯夏衛平虜即平羅也清初為平羅所雍正三年裁所改縣雄州在靈州城西詳見唐僖宗乾符三年夏六月威州即今中衛縣詳見後晉開運三年秋八月餘俱州名見前

(甲)後唐同光二年契丹天贊三年

夏五月壬戌唐以權知鳳翔軍府事涇州節度使李曦為起復雲麾將軍右金吾大將軍同正依前檢校太尉兼中書令充

(申)是歲岐降後唐凡四國四鎮

唐以權知歸義軍留後曹義金為歸義軍節度使沙州刺史校校司空

時瓜沙與蕃雜

曹義金遣使問道入貢故命之

多十二月蜀以宦官王承休為天雄軍節度使

先是梁末岐下削弱蜀人奪取秦成階等州安重霸說承休來鎮秦州仍

於軍中選山東驍勇數千人號龍武軍以承休帥之重霸副焉俱在天水武餘承休欲求施鉞乃以隴西花木入獻嘉稱秦州山水之美人物之盛請後主臨幸而韓昭贊成之承休又請從諸軍揀選官健得驍勇數千號龍武軍承休自為統帥並特加衣糧日有優給因祈秦州節度使且云願與陛下於秦州採椽美麗且說秦州風土多出國色仍請幸天水少主萬悅即遣仗節赴鎮

遺仗節赴鎮

慕壽祺曰唐傳昭之世宦官雖盛未有為節度者有之自蜀主王衍始王衍童蒙荒誕不親政務斥遠故老昵比小人其臣諂諛專恣顯貨無厭賢愚位刑賞紊亂大兵一臨瓦解土崩可翹足待也而猶戀戀於婦人以承休節制秦州明年唐師伐蜀承休托辭入援自扶州路奔於西川卒為魏王繼岌所誅而蜀亦亡矣

唐靈武節度奏甘州回鶻可汗仁美卒其弟狄銀權主國事

是年六月唐封回紇王仁美為英義可汗

至是
卒

(乙)唐同光三年蜀成康元年漢白龍元年契丹天贊四年是歲凡四國四鎮

夏五月戊午唐以鳳州衙內馬步軍都指

揮使李繼勣為涇州節度使檢校太傅

多十月蜀主東遊秦州

安重勳勸王承休請蜀主東遊秦州毀府署作行宮強取民間女子教歌舞圖形以遺韓昭蜀主將行羣臣諫皆不聽太后涕

泣不食止之亦不能得前秦州節度推官蒲禹卿上表略曰先帝艱難創業欲傳之萬世陛下少長高貫流色惑酒無故發遊類離官關今百姓失業盜賊公行山河險固不足憑恃韓昭謂曰吾收汝表俟蜀上西歸當使獄吏字字問汝承休妻美蜀主私焉故銳意欲行十月唐引兵數萬發成都武興節度使王承捷告唐兵西上蜀主不官大言曰吾方欲

耀武遂行在道
賦詩殊不為意

案武興軍即西魏所置之武興鎮也武興即麟州本白馬氏東境秦屬蜀郡漢武都郡沮縣地晉永嘉末為氏楊茂搜所據其後為梁所破置武興善王國楊難當據下辨自稱大秦王難當弟伯宜為茹蘆王伯宜孫鼠分王武興鼠子第稱藩於魏西魏正始三年集以謀叛遂廢武興國改為鎮其年又改鎮為武興郡並置武興縣即西魏書之漢曲也廢帝二年改名與州領郡七縣十七後五代時蜀建武興軍於此

蜀武興軍節度使王承捷以鳳興文扶四州降於唐

是年秋九月唐主與宰相議伐蜀以魏王繼岌充西川行

營都統崇韜充都招討制置等使軍事悉以委之又以高季興充招討使李繼岌充轉運使李令德李紹琛張筠毛璋董璋李嚴皆為列將將兵六萬伐蜀仍詔季興自取夔忠萬三州為巡屬工部尚書任園翰林學士李愚并參預軍機全是李紹琛攻蜀威武城降得糧二十萬斛紹琛縱其敗兵萬餘人逸去因倍道趣鳳州李嚴飛書以論王承捷李繼岌端鳳翔蓄積以饋軍不能充人情憂恐郭崇韜入散關指其山曰吾輩進無成功不復得還此矣當盡力一決今饋運將竭宜先取鳳州掠其糧諸將皆言蜀地險固未可長驅崇韜以問李愚愚曰蜀人苦其主荒淫莫為之用宜乘其人情崩離風驅雲擊彼皆落膽雖有險阻誰與守之兵勢不可緩崇韜倍道而進王承捷以鳳興文扶四州印節迎降得兵八千糧四十萬斛崇韜曰平蜀必矣蜀主至利州遇威武敗卒始信唐兵之來乃以王宗儼王宗昱為三招討將兵三萬逆戰兵皆怨憤曰龍武軍糧賜倍於他軍他軍安能禦敵紹琛等克興州與戰三泉大敗之又得糧十五萬斛蜀主聞宗勳等敗倍道西走斷桔柏津浮梁命王宗弼守利州李紹琛晝夜兼行趣利州宋光葆遣郭崇韜書請兵不入境當舉巡屬內附苟不如約則背城決戰崇韜納之繼岌至興州光葆及諸城鎮皆望風款附承捷遂以鳳興文扶四州降

蜀階州刺史王承岳納符印請於唐

是時蜀王衍棄利州奔歸西川

蜀天雄軍節度使王承休自秦州赴援安重霸留守

承休遽聞東師入討蜀主特出興鳳以遊秦州遇魏王繼

岌軍狼狽而旋大恐計無從出與安重霸謀掩襲唐軍重霸曰擊之不勝則大事去矣承
休益恐謀棄秦州與重霸俱西走重霸曰開府何懼之甚蜀中精兵不下十萬咫尺之險
安有不濟縱東軍盡如狼虎豈能飛入劍門然國家有患開府特受主知聞難不可不赴
此州制置事定無虞得失重霸願從開府赴闕承休素信以為忠赤重霸出秦州金帛以
賂羣羌買田州山路歸蜀承休擁龍武軍及招置僅萬人從行令重霸權握部署州人祖
送秦州軍亦列部隊承休將行重霸拜於馬前辭曰國家費盡事力收獲隨西若從開府
南行隴州即時疎失請開
府自行重霸且為國守藩

案王氏聞見錄承休既握重兵於天水兵刃不舉既知東軍入蜀遂擁麾下之師及婦女
孩幼萬餘口以金銀綉帛向西蕃買路歸蜀沿路為西蕃擄奪凍餓相踐而死迨至蜀存
百餘人唯與田宗泐等脫身而至唐魏王繼岌使人問之曰親握重兵何得不戰曰畏大
王神武不敢當其鋒曰何不早降曰善緣王師不入封部無門納款曰初入蕃部幾許人
曰萬餘口曰今存者幾何曰纔及百
數魏王曰汝可償萬人之命遂斬之

十一月蜀秦州留守安重霸亦以秦成階三州降於唐

承休既去重霸守秦州聞
唐明宗起河北即時遣使

以秦成階
等州來降

(丙)唐同光四年四月明宗李嗣源天成元年吳越寶正
夏六月戊申唐夏州節度使
元契丹天顯元年是歲蜀亡國建國凡四國三鎮

開府儀同三司檢校太師兼中書令朔方王李仁福加食邑一千戶

案史莊宗名存嗣晉王李克用子年十三讀春秋略知大義騎射絕倫聽納物昔人比以劉聰初從晉王討王行瑜入覲獻捷年僅十一唐昭宗一見駭異曰此子有奇表乃撫其肩曰我兒將來之國棟勿忘忠孝於吾家又云此子可亞其父時人號曰亞子及滅梁為唐復讎即位後改元同光卒為伶人郭從謙所弑時同光四年夏四月也李嗣源繼立

是為唐明宗

明宗(丁)後唐天成二年吳乾貞元年契丹(亥)太宗天顯二年是歲凡四國三鎮秋九月黨項使如蓬山來朝於唐

冬十二月回鶻西界吐蕃遣使者來

(戊)後唐天成三年漢大有(子)元年是歲凡四國三鎮春二月甲午吐渾都督李紹魯與回鶻使李阿山來朝

於唐唐以吐渾甯朔奉化兩府都知兵馬使李紹魯為吐渾甯朔府都督故來朝是年冬十一月吐渾使念九復來

夏五月唐封回鶻可汗王仁裕為順化可汗

秋八月唐慶州防禦使竇廷琬叛詔靜難軍節度使李敬周討之廷琬在慶州嚴刑峻法屢撓邊

人課利不集詔移金州刺史
廷琬遂據城抗命故討之

唐以朔方軍留後韓瑛為朔方軍節度使靈武雄警甘肅等州觀察使檢校司

徒此八月辛卯日命也

冬十二月李敬周克慶州寶廷琬伏誅敬周攻慶州克之誅廷琬並夷其族

(己)後唐天成四年吳太和元年契丹天顯四年是歲凡四國三鎮春正月乙酉唐沙州曹義金遣使者來時都城在大梁

義金遠在敦煌不遠數千里而遣使來朝可謂乃心王室矣

夏四月唐置緣邊市馬場先是甘邊所居黨項常以貢馬為名國家約其直酬之加以館穀賜與歲費五十餘萬緡至是始於緣邊置場市馬不令

詣關黨項無所得後遂寇邊案魏書太祖平統萬及秦涼以河西水草豐美用為牧地馬蕃息至二百餘萬匹牛羊無數唐之盛也秦蘭河渭涇原岐邠常慶鄜坊延夏及河曲之

地馬監凡四十有一安祿山反肅宗至平涼閱監牧馬僅指原州一處他監更不知其確數唐亡五代大亂中原逐鹿腹地缺馬黨項羌乘此時機嘗詣關貢馬希冀厚賞所費不

貲明宗即位後置監牧又於緣邊置場市馬

六月辛亥唐以權知朔方軍留後定難都知兵馬使韓澄為朔方留後

秋七月丙戌唐涇州節度使李從昶移鎮華州以冀州刺史李金全為涇州節

度使

冬十月戊戌唐以襄州兵馬都監守磁州刺史康福為朔方河西等節度使靈

威雄警涼等州觀察使

時朔方將吏請帥於朝故命康福往鎮之

唐朔方節度使康福將兵萬人赴鎮

初朔方節度使韓洙卒弟澄為留後未幾定遠軍使李匡賓聚黨據保靜鎮作亂朔方不安冬

十月丁酉韓澄遣使齎絹表乞朝廷命帥前磁州刺史康福善胡言上退朝多召入便殿訪以時事福以胡語對安重誨惡之常戒之曰康福汝但妄奏事會當斬汝福懼求外補

重誨以靈州深入胡境為帥者多遇害戍戍以福為朔方河西節度使明宗令將軍牛知柔以兵衛康福行至方渠羌胡出兵邀福福以兵擊走之至青岡峽遇吐蕃野利大蟲二

族數千帳皆不覺唐兵至福遣衛兵掩擊大破之殺獲殆盡由是威聲大振遂進至靈州自是朔方始受代

案青岡峽在環縣北亦曰青岡嶺宋史至道二年李繼遷圍靈武詔五路兵救之李繼隆以環州路迂由青岡峽繞靈武趨平夏行數日不見敵而還青岡川本靈州大路自此過

函峽一作青
五代時康福
破吐蕃兵於
見趙海粟米

美利寨
入靈州

案野利大蟲俱屬羌名今鎮原縣東北九十里近安化縣境有野利寺即屬羌野利王帳房大蟲堡當在其地又智囊補宋原州守將蔣偕建議築大蟲嶼堡官撫使王素聽之役未具夏人伺間擊弗就偕懼請罪素曰若罪偕乃是隨敵計乃責偕使畢力自効卒城而

又案一統志方渠縣名漢置屬北地郡東漢因之後魏廢為鎮屬靈州後周屬會州唐復置五代晉省入通遠縣宋改為砦故城在慶陽府環縣南七十里青岡峽在甯夏衛城西南一百四十里兩山相夾黃河經其中一名峽口山上有古塔一百零八座

是歲唐遣李廷範使敦煌
廷範著敦煌新錄一卷叙張義潮本末及彼土風物甚詳

案西涼武昭王時敦煌有劉昉者著敦煌實錄二卷隋書入蜀史舊唐書入雜傳李廷範所著故號為新錄文獻通考新錄一卷陳氏曰有序稱天成四年傳舍集而不著名氏

(庚寅)唐長興元年契丹天顯五年是歲凡四國三鎮
春三月丁卯唐靈武節度奏殺戮蕃賊二千

唐以李德珣為秦成階觀察處置等使
後晉高祖即位改鎮涇原至開運中再領涇州

夏四月辛酉吐蕃首領于撥葛來朝於唐
是年九月吐蕃使王滿儒復來

秋七月吐渾來附於唐八月吐渾使
聯合舉來

冬十一月十三日唐階州刺史王宏贊與瀘州刺史馮暉收復劍州

十二月丁巳回鶻順化可汗王仁裕與沙州首領曹義金遣使者來朝於唐

(辛)唐長興二年契丹天顯
(卯)六年是歲凡四國三鎮夏四月乙巳唐瀘州節度使劉仲殷移鎮秦州

秋八月己卯吐蕃遣使者來朝於唐是年十一月戊申
吐蕃遣使者復來

冬十一月丁酉以以汝州防禦遣使張希崇為靈州兩使留後

十二月己未西涼府遣使者來朝於唐

(壬)唐長興三年契丹天顯
(辰)七年是歲凡四國三鎮春正月己丑唐遣邠州節度使葉彥稠靈武節度使

康福率步騎七千往方渠討黨項之叛者邠州復范延光言自靈州至邠州方渠
鎮使臣及外國入貢者多為黨項所掠

請發兵擊之己丑遣靜難節度使葉彥稠與靈武康福會兵擊之黨項阿埋屈悉保等亡
寶山谷帝以謂黨項知懼可加約束而綏撫之使者未至彥稠等自牛兒族入白魚谷盡

誅其族追至賀蘭山獲其大首領連香等遣人上捷帝謂其使者曰吾誅黨項非有所別也凡軍所獲悉與士卒分之毋以進奉爲名重斂軍士也已而彥稠以黨項掠回鶻進奉玉兩團及遺秦王金裝胡鞍等來獻帝曰吾已語彥稠矣不可失信因悉以賜彥稠又逐靈州諸戎取其所掠男女千餘人

案唐初黨項諸部相率內附處於洮岷之間後洮岷陷吐蕃徙居慶州號山東部落居夏州者號平夏部落有大姓而無君長不相統一散處州甯鄯延靈武河西東至麟府之間其在靈慶者數犯邊爲盜後唐明宗遣康福等討之由是其患稍息

又案北邊備對賀蘭山有林木青白望如駿馬北人呼駿馬爲賀蘭甯夏府志山在府西盤踞數州番延互五百餘里邊境倚以爲固上有廢寺百餘多元昊故宮遺址樹木青白望如駿馬其山高寒巔常積雪水泉甘冽以下限砂磧故及麓而止不能漑遠田山出鉛礬府西北又有卑移山漢者在廉縣西北五邊備攷衛西北境有甯羅山其西南爲龜山松山擘次山與莊浪衛相接皆有險塞可憑按此皆在賀蘭山之後

二月甲戌唐靈武節度奏都指揮使許審環等謀亂伏誅

唐以前靈武節度使康福爲涇州節度使

秋七月戊子黨項寇唐夏州州兵擊破之靈武奏夏州界黨項七百騎侵擾當道出師擊破之生擒五十騎追至賀蘭山下

嘉壽祺曰黨項有地三千餘里而部落散漫國無文人非如突厥吐蕃之可為中國患也况靈武夏州朔方諸節度乘秋備塞手握重兵一聞烽燧之警非異懦以自全即遷延而玩寇是以黨項為奇貨也國家官於邊將中擇有武勇謀略取十人付騎兵五千器甲全備轉實糧糗逐水草於邊上往復擇棄不得入郡邑亦不得一處相聚遇有虜寇隨時掩殺仍令烽候相望交相救應緣邊州郡守城兵帥即堅壁以待之遇遊騎近城掩殺虜寇即城內量出甲兵援救如此則乘城者不堅閉壘門捍邊者不苟依郡邦免坐觀於成敗庶幾虜寇稍息我武維揚矣

(癸巳)唐長興四年閏壬延鈞龍啓元春二月唐定難節度使李仁福卒軍中立其子年契丹天顯八年凡四國三鎮

彝超為留後三月唐以李彝超為彰武留後安從進為定難留後彝超拒命

先是河西諸鎮皆言李仁福通契丹併吞河右南侵關中會仁福卒以其子彝超為彰武留後安從進為定難留後仍命薛維翰度使藥彥稠將兵五萬以官苑使安重益為監軍送從進赴鎮敕諭夏鑲綏宥將吏彝超年少未能扞禦故徒之四月彝昌上言為軍民擁留未得赴鎮詔遣使趣之

戊子唐以延州節度使安從進為夏州留後是月丁酉從進奏大軍已從夏州攻城以李彝超之不從命也

唐以鳳翔行軍司馬李彥璋為鹽州防禦使之節制置鹽州故有是命

唐以靈武留後張希崇為本州節度使此三月庚子日命也

秋七月唐安從進討李彝超不克引還

安從進攻夏州城赫連勃勃所築堅如鐵石斷擊不能入又黨項為於論倫祥四野抄

掠糧餉官軍無所芻牧山路險狹關中民輸斗粟束藁費錢數倍民困竭不能供彝超登城謂從進曰夏州實瘠非有珍寶蓄積可以充朝廷貢賦也但以祖父世守此土不欲

失之幸與表聞許其自新紹從進引兵還自是夏州輕朝廷每有叛臣必陰與之連以邀路遺

案宋史宋琪傳淳化五年李繼遷寇靈武命侍衛馬軍都指揮使李繼隆為河西兵馬都部署以討之琪前任延州節度判官經歷五年蕃部之事熟於聞聽乃上書言邊事其略

曰河南之地輻隕千里從銀夏至青白兩池地惟沙磧謂平夏拓拔蕃蕃姓也自鄜延以北多土山柏林謂之南山野利蕃羌州界一正北從金明縣入蕃界至盧關四五百里方

入平夏州南界一西北歷萬安鎮經永安城出洪門至宥州四五百里是夏州西境我師如入夏州之境官先招致接界熟戶使為鄉道其強壯有馬者令去官軍二十五里踏白

先行緣此二路土山柏林溪谷相接而復險隘不得成列驛此鄉道可使步卒多持弓弩槍鋸隨之以三二千人登山偵邏俟見垣途甯靜可傳號勾馬遠路而行我皆嚴備保無

虞也長興四年夏州李仁福死有男彝超權稱留後當時詔延州安從進與李彝超換鎮彝超據夏州固不奉詔朝廷命邠州藥彥稠總兵五萬送從進赴任時頓兵城下議欲攻

取軍儲不繼遣命班師而振旅之時不能嚴整失伐棄甲遂為邊人之利臣又聞黨項號為小蕃非是効敵若得岫山布陣止勞一戰便可濶險深入則饋運艱難窮追則窟穴幽

隱莫若緣邊州鎮分屯重兵俟其入界侵漁方可隨時掩擊非惟養勇亦足安邊凡烏合之徒勢不能久利於速鬪以騁兵鋒莫若重持守疆以挫其銳彼無城守衆乏餼糧威貨不行部族分散然後密令覘其保聚之處預於驛府邸延甯慶靈武等州約期會兵四面齊進絕其奔走之路合勢連之可以剪除無噍類矣仍先告語諸軍擊賊所獲生口資畜許爲己有彼爲利誘則人百其勇也靈武路自通遠軍入青嵐峽五百里皆蕃部熟戶向來使人商旅經由並在部族安泊所求賂遺無幾謂之打當亦如漢界逆旅之家宿食之適也此時大軍或須入其境則鄉道踏白富如夏州之法况彼靈州便是吾土芻粟儲蓄率皆有備綏路五七程不煩供饋止令逐部兵騎裹糧輕齎便可足用諺所謂磨鍊殺馬劫一時之力也旬浹之餘固無闕乏矣

纂唐史稱勃性酷烈驅民築統萬城務期堅固若錐入寸許卽斬工役以徇當時人民何以堪此然在勃勃雖有朔方關天下爰劍宮宇易彼氍毹鮮不曰此子孫帝王萬世之業也身死未久而宗社爲墟何者仁義不施而峻宇雕牆足以亡人之國也魏主入統萬觀其城郭宮室而歎曰蓋爾國而用民如此欲不亡得乎雖然赫連氏亡矣而其城留存以至於今則當日之善爲城者庶幾哉

冬十月唐以李彝超爲定難節度使彝超上表謝罪故有是命

唐以權知夏州事檢校司空李彝超爲夏州節度使檢校司徒此十月壬戌之命也

唐以前兖州節度使張延朗為秦州節度使

十一月辛巳唐以保大軍節度使檢校太尉鮑君福為保順軍節度使洮鄯等州

觀察使

唐以孫超為涼州節度使

五代之際西蕃據青唐者西甯府也時中原放棄西北不暇計及至是涼州大將拓跋承謙及耆老上表請以權

知留後孫超為節度使上問使者超為何人對曰張義潮在河西朝廷以天平軍二千五百人戍涼州自黃巢亂涼州為党項所隔鄆人稍稍物故皆盡超及城中之人皆其子孫

也超既為河西節度當一遣人入貢

案史明宗晉王李克用養子初名說吉烈更名嗣源事晉王垂五十年經綸政戰未嘗不預莊宗被殺入承大統有司議即位禮李紹真孔循以為唐連已盡宜自建國號明宗曰

武皇之基業則吾之基業先帝之天下則吾之天下也安有同家而異國乎故仍稱唐改元二曰天成曰長興在位八年殂太子從厚立是為閔帝

閔帝

甲唐閔帝從厚應順元年四月以後唐主從珂清泰元年蜀主午孟知祥明德元年契丹天顯九年是歲蜀建國凡五國三鎮

春正月戊寅沙

州瓜州並遣使來朝於唐

唐以楊思權爲邠甯慶衍等州觀察處置等使

夏五月唐階州刺史趙澄降蜀蜀取成州癸亥秦州奏蜀主又出軍追陷成州

六月唐文州都指揮使成延龜舉州降蜀

唐以侍衛步軍都指揮使忠正軍節度使張從賓爲涇州節度使

冬十月唐雄武節度使張延朗圍文州蜀先登指揮使范延暉將兵卻之

十一月辛丑唐遣秦州節度使張延朗率師伐蜀

十二月乙亥唐以邠州節度使康福爲秦州節度使

(乙)唐肅宗二年吳天祚元年蜀孟昶明德二年閏未) 永利元年契丹天顯十年是歲凡五國二鎮 春三月辛丑唐以夏州行軍司馬

李彝殷爲本州節度使

唐以右龍武統軍李德珣爲涇州節度使

時三月丙辰日也

秋七月唐朔方河西等軍節度康福移鎮秦州
先是明宗時加康福行涼州刺史充朔方河西等軍節度靈威雄警甘肅

等州觀察處置管內營田押蕃落

溫池確稅等使至是移鎮秦州

案朔方道志溫池城即今惠安堡唐駱賓王有宿溫城望軍營詩李于鱗注溫城即溫池城中衛縣志城壕南有溫泉溢入池至冬不凍故名舊通志溫池廢城在靈州東南唐中

宗神龍五年

置屬靈州

九月唐階州刺史郭瓊攻蜀文州
文州漢武帝開西南夷蜀陰平道晉末為李雄及楊茂搜據西魏廢帝平蜀後置州是時為蜀所據先是

同光二年明宗伐蜀安重霸已以秦成階三州降唐文州獨未下至是唐主命瓊攻之拔二十餘砦生擒數百人

案宋史郭瓊傳瓊平州虜龍人後唐天成中來歸明宗以為棗州團練使改刺商州遷原州清泰初移階州旋奉詔攻文州晉天福中移刺警州屬羌渾騷動朔方節度張希崇表

瓊為部署將兵共討平之

案史闕帝名從厚闕帝在位四月改元應順帝性仁厚於潞王素無嫌而朱弘昭孟漢瓊之徒橫生猜間以致潞王從珂至陝帝出奔應順元年夏四月從珂入洛陽廢帝為鄂王而自立又從而弑之故四月以後改為清泰元年是為潞王初潞王本姓王氏明宗養子在位二年為石敬瑭所篡是為後晉高祖

晉

高祖(丙)唐清泰三年十一月以後晉高祖石敬瑭天福元年閏壬申初通文元年遼天顯十一年是歲唐亡晉興凡五國三鎮 冬十二月癸巳晉

以邠州節度使張希崇為朔方節度使 初朔方節度使張希崇為政有威信民夷愛之興屯田以省漕運在鎮五年求內徙

唐懿王以為靜難節度使至是晉主與梁川修好恐其復取靈武癸巳復以希崇鎮朔方

(己)晉天福四年閏主曦永隆元年遼太宗會亥同三年是歲南唐復姓李氏凡五國三鎮 春正月甲寅晉以義成軍節度使馮

暉為朔方軍節度使 朔方節度使張希崇卒羌胡寇鈔無復畏憚甲寅以義成節度使馮暉為朔方節度使黨項酋長拓跋彥超最為疆大暉至彥

超入賀暉厚遇之因為與城中治第豐其服玩留之不遣封內遂安

三月丙辰晉靈州戍將王彥忠以懷遠城反己未彥忠降供奉官齊延祚殺之

彥忠懷遠城作叛帝遣供奉官齊延祚乘驛而往彥忠率眾出降延祚矯制殺之詔曰齊延祚辜我誓言擅行屠戮彰朕降之罪隋示信之文宜除名決重杖一頓配流王彥忠

贈官收葬帝又對臣下曰朕踐祚以來未嘗失信於人彥忠已輸仗出迎延祚何得擅殺之除彥祚名重杖配流議者猶以為延祚不應免死

中原紛擾羣雄割據時代 晉高祖

蘭州俊華印書館出版

甘肅通志卷之八

二

案甯夏府志懷遠古城在今府城漢富平縣地後周置懷遠縣唐儀鳳二年為河水泛損三年乃更築新城於故城西宋乾興二年李德明城懷遠鎮為興州元昊升為興慶府元伐夏改為中興府至元二十五年置甯夏路洪武九年改置甯夏衛

夏四月晉封回鶻可汗王仁裕為奉化可汗先是三月回鶻使其都督拽里敦來仁裕仁美弟也初封為順化可汗至是改

奉化遣使册封之

案後晉高居誨紀行云回紇字南山白餘里漢小月支故地有別號獨角山沙陀即朱邪氏之遺自甘州西始涉沙磧無水必載筒以行甘州人教使者作馬蹄木遊馬蹄鑿四竅木遊亦四竅而綴之駝蹄則包以鼈皮乃可行想即册封時所紀

秋七月西戎寇晉涇州彰義軍節度使張彥澤敗之執其首領野離羅蝦獨

冬十二月吐蕃罷廷族來附於晉

(庚子)晉天福五年遼會同四年是歲凡五國三鎮春正月壬申蜀人寇晉西鄙羣盜張逵任康等劫清

水德鐵之城以應之

二月丁酉晉沙州歸義軍節度曹義金卒 贈太師以其子元德襲其位

三月丁亥晉以徐州節度使侯益為秦州節度使

(辛) 晉天福六年遼會同五 夏五月吐渾首領白承福來 是年六月吐渾使念醜漢來九月又使白可久來

秋七月西涼府留後李文謙自焚死 是月壬戌涇州奏西涼府留後李文謙今年二月四日閉宅門自焚遣原入西涼府譯語官與來人

晉三部族蕃書進之時涼州節度孫超率州人推其土人折逆嘉施權為河西軍節度留後

(壬) 晉天福七年遼會同六年六月重貴立 春二月晉以陳延暉為涼州節度使 涇州

節度使王周奏言差押牙陳延暉收書行西涼府本府都指揮使等請以延暉為節度使故有是命

夏四月晉貶前涇州節度使張彥澤為龍武大將軍 從輿論也先是正月壬午晉主以河陽節度王周為涇州節度

使閏三月癸丑周奏前節度使張澤在涇州擅發兵擊諸胡兵皆敗沒調民馬千餘以補之及在鎮貪殘不法二十六條民散亡者五千餘戶還至決獲亡將楊洪乘醉勸其手

足而斬之晉主以其有軍功釋不問至是諫議大夫鄭受益上言故貶之

關西諸郡皆蝗大饑

死者十有七八

冬十二月丙子沙州曹元深瓜州曹元忠皆遣使者附于闐使劉再昇來朝於

晉

案瓜州故城在今安西縣西南本漢冥安縣屬敦煌郡因縣界冥水為名晉改屬晉昌郡周武帝省入涼興郡隋開皇四年改為常樂縣唐置瓜州屬河西道大歷十三年陷於西番大中五年張義潮以瓜州來歸

(癸)晉天福八年南唐李璟保大元年設王延政天德元年南(卯)漢劉晟乾和元年遼會同七年是歲並設凡六國三鎮

春正月庚寅晉沙州留

後曹元深加檢校太傅充沙州歸義軍節度使

晉夏州節度使李彝殷與其弟彝敏互相攻伐

是月戊子延州奏綏州刺史李彝敏拋棄城郡與弟彝俊等五人將骨肉

二百七十口來投當州敕令押送赴闕稱與兄夏州節度使彝殷偶起猜嫌互相攻伐故也

晉夏州節度奏差宥州刺史李仁立權知綏州

此正月辛卯日所奏也甲午夏州節度李彝殷復奏衙內都指揮使拓跋

崇斌等五人作亂當時收擒感斬訖相次綏州刺史李彝敏擅將兵士直抵城門尋差人掩殺彝敏知事不濟與弟五人將家南走詔李彝敏潛結兇黨顯恣逆謀骨肉之間尙興屠害照臨之內難以含容送夏州處斬

秋七月甲辰晉涇州節度使史威加檢校太尉

冬十月甲子晉以前延州節度使何建爲涇州節度使

十一月己卯晉以前鄴都留守廣晉尹李德珪爲涇州節度使

案史晉高祖姓石氏名敬瑄唐明宗之婿爲潞王從珂所逼求救於契丹清泰三年十一月契丹主親送敬瑄入中原作策書立敬瑄爲大晉皇帝築壇卽位是爲後晉高祖乃割幽薊瀛莫涿檀順新媯儒武雲應寰朔蔚十六州以與契丹仍須歲輸帛二十萬疋制改長興七年爲天福元年敕命法制皆遵明宗之舊在位七年殂兄子齊王重貴立是爲出帝

出帝甲晉元年遼會同八年春正月晉階州義勇指揮使王君懷降蜀君懷率所部降

蜀請爲嚮導以取階成

二月辛亥晉夏州節度使李彝殷侵契丹境

彝殷合蕃漢之兵四萬抵麟州濟河侵契丹之境以牽脅之王子以彝殷為契

丹西南面
招討使

蜀人寇晉階州秦州兵敗之

二月甲子蜀遣兵攻晉階州三月晉秦州兵救階州出黃階嶺敗蜀兵於西平等處

(乙)凡五國三鎮殷改稱閩而亡

春正月契丹陷晉秦州

王子馬全節及契丹戰於榆林兩軍皆潰是年三月

庚戌馬全
節克秦州

冬十月晉以前延州節度使王令溫為靈州節度使

令溫至靈州以中國法繩羌胡遂為黨項首領所不悅

(丙)晉開運三年遼會同十午)年是歲凡四國三鎮

春正月癸丑晉以涇州節度使何建為秦州節度使

以前貝州節度使史威為涇州節度使

三月壬辰晉以權知河西節度使張遵古為河西留後

晉以瓜州刺史曹元忠為沙州留後

夏四月晉靈州黨項叛

初馮暉在靈州留拓跋彥超於州下故諸部不敢為寇及將罷鎮而縱之會靈武節度王令溫不存撫羌胡以漢法治蕃

部西人苦之共謀為亂三部族長拓跋彥超與石存也廝褒率眾攻靈州令溫遣人間道入奏

六月丙寅晉以河陽節度使兼侍衛步軍都指揮使馮暉復為朔方節度使

在靈武時頗得羌胡心市馬暮年至五千正胡廷忌之徒鎮邠州暉乃厚奉馮玉李彥韜復求靈州會有黨項之亂從之使將關西兵擊羌胡

秋八月丙戌晉靈州節度馮暉與威州刺史藥元福擊破黨項入靈州

暉之出靈朔方

也召關右兵進討以威州刺史藥元福將行營騎兵元福與暉出威州土橋西遇彥超兵七千餘邀暉行李元福轉戰五十里殺千級擒三十餘人又遣部校援出令溫護送各下朔方距威州七百里無水草號旱海師須齎糧以行至耀德食盡比明行四十里彥超等眾數萬布為三陣扼要路據水泉以待暉軍軍中大懼暉遣人賂以金帛求和彥超許之使者往復數四至日中列陣如故元福曰彼知我軍飢渴邀我於險既許和解而日中未決此豈可信哉欲困我耳遷延至暮則吾黨成擒矣暉驚曰奈何元福曰彼雖眾而精兵絕少依西山為陣者是也餘不足慮元福請以麾下騎先擊西山兵公但嚴陣不動俟敵少却當舉黃旗為號旗舉則合勢進擊敗之必矣暉然其策遂率眾進擊敵眾果潰元福即舉黃旗以招暉軍軍繼進彥超大敗橫尸蔽野是夕入清遠軍門日至靈州元福還郡詔賜暉元福衣帶繪帛銀器

案宋史藥元福傳元福以擊契丹有命刺原州俄改秦州後又為威州刺史唐貞宗大中三年秋七月靈武節度使朱叔明取安樂州八月改長樂州為威州州地東控五原北固峽口足以咽喉靈州襟帶西涼宋鄭文寶請城古威州清遠軍命張繼能護其役後為夏人所陷南宋貞佑四年金成西夏攻威靈安會等州

又案後五代史天福初馮暉因出戰而降鄴平移鎮靈武初張希崇鎮靈州以久在蕃疆頗究邊事數年之間侵盜並息希崇卒未有主帥蕃部寇鈔無復畏懼朝廷以暉強暴之名聞於遐遙故以命之及暉到鎮大張宴酒設豐備部衆告罪爭陳獻賀暉皆以錦綵

酬之蕃情大悅黨項拓跋彥超者州界部族之大者暉至來謁厚加待遇仍為治第豐其服因留之不令歸部河西羊馬由是易為交市蕃年得馬五千匹暉去後王令溫代鎮彥超發隆平集藥元福傳西戎三族攻靈州元福佐朔方節度使馮暉討之朔方距威州七百里地無水草謂之旱海攜糧至暉食盡詰朝行四十里而敵騎數萬扼要路暉大懼用元福謀大敗彥超遂入靈州

慕壽祺曰文以鋪張為泛事以目觀為真自來敘戰功者必先言其饋運之難道途之險乃愈見其征戰之苦威州則不然古之威州今之中衛縣也其地雖有沙漠不過荒涼而已何嘗有旱海哉史稱馮暉將兵擊黨項過旱海數百里無水草無乃太鋪張乎史又謂與藥元福於威州土橋西一百里遇吐蕃七千餘人大破之則又不知作亂者之為黨項矣

(丁)二月漢高祖劉知遠立仍稱晉天福十二年
(未)六月改號漢是歲晉亡漢興凡四國三鎮
歸義軍今教煌縣節度使曹元忠遣吐沙

門天王像

先是天寶間西蕃寇涼州毗沙門天王顯靈詔於各縣北城祀毗沙門天王沿及五季此風猶存

慕壽祺曰唐自代宗以後甘肅陷於吐蕃久經亂離舊籍散佚老成凋喪西人作品寂寂無聞矣自曹元忠造毗沙門天王像見沙州石室文字記而後知漢族之闡揚佛教不亞

於蒙番也然涇川城北水泉寺有隋造像
記確為六朝石刻比敦煌石室所藏又早數百年矣

案史出帝名重賢後晉高祖兄子在位四年改元開運後為契丹所執舉族淪陷死於沙漠蓋高祖為契丹所立則與劉文伯楊政道等其亡也可翹足待時中原無主劉知遠取

而代之是為後漢高祖

漢

高祖

(戊申)漢乾祐元年遼世宗天祚二年是歲凡四國一鎮

春正月晉雄武節度使何建以秦成階三州降

蜀

是冬契丹入汴其主遣人齎詔以賜建建奮然謂將吏曰吾事石氏二主累擁戎旃人臣之榮亦已極矣今日不能寧兵赴難豈可受制於契丹乎即遣使齎表與其地

於蜀孟昶待之甚厚僞加同平章事依前秦州節度使

二月壬辰漢右衛大將軍王景崇糾合岐雍邠涇之師大破蜀軍於大散關

何建甯降於契丹不肯降契丹於高不得已之蜀也

三月丙寅漢夏州節度使李彝殷加兼侍中戊辰靈州節度使馮暉加兼侍中

庚午涇州節度使史懿依前檢校太尉加同平章事

冬十月甲辰漢夏州節度李彝殷出兵至延州

延州奏夏州李彝殷先出兵臨州境欲應接李守貞令卻抽退

案初舉記夏州赫連之都劉滅赫連以為統萬鎮太和十一年置夏州隋改州為朔方郡唐復為夏州城在古鹽州東北三百里今河套哈刺兀速之南即華言赫水有廢城曰忻

都即夏州也

吐蕃使斯漫篤闊氍藥斯來朝於漢

(己酉) 漢乾祐二年遼天祿二年是歲凡四國三鎮

夏六月西涼府遣使來朝於漢

秋七月丙寅漢以權涼州留後折通嘉施為河西軍節度留後

涼州禹貢雍州西界周襄為狄地秦逐匈奴得甘泉匈奴使休屠渾邪王等居涼州之地後降漢漢置河西五郡改雍州為涼州以地處西方常寒涼也晉武帝時始置涼州於河西五胡之亂為張軌呂光姚興所據及分為三涼後入魏神麴中為鎮太和中復領郡十縣二十永熙戶三千二百七十三周因之置總管府隋為武威郡唐復置涼州五代因

唐之舊地則猶是也而範圍縮小矣

九月辛酉漢靈州節度使馮暉夏州節度使李彝殷並加兼中書令乙丑涇州

節度使史懿加檢校太師

案史漢高祖劉知遠晉天福十二年契丹滅晉知遠稱帝於晉陽改國號曰漢改元乾祐在位二年殂子承祐立是為隱帝仍稱乾祐在位二年為郭威所篡是為後周太祖

周

太祖（辛）周太祖郭威廣順元年北漢主劉崇乾祐四年遼穆宗應歷元年是歲周代漢北漢建國凡五國三鎮 春二月回鶻使摩尼來

朝於周

先是回鶻開歲入貢禁民不得與蕃人私易寶貨至是一聽以便交易官不禁詰

案回教為默罕默德所創唐初已入中國行於南部沿海之地後有摩尼者回部學教也說者謂其教折衷於基督教亦自波斯傳入唐武宗時與佛教同見廢至是摩尼復至京師是其教已傳播於甘肅矣元代信教自由回教始盛行東方國家用回回歷凡進士賜出身者須別通回回教則其勢力之盛可知

周涇州節度使史懿加兼侍中

是年秋七月丁卯周以唐守太尉兼中書令西平王李晟五代孫鹹為耀州司戶參軍示勸忠之義也

(王)周廣順二年遼應歷二年是歲周南漢蜀
唐北漢凡五國吳越湖南荆南凡三鎮
夏六月辛亥周朔方節度使兼中書

令陳留王馮暉卒以其子繼業為留後
馮暉卒其子牙內都虞候繼業殺兄繼勳
自知軍府事周主即令繼業為朔方軍兵

馬留後

秋七月周慶州寡婦山番部野鷄族反州兵討之
先是唐天寶以後慶州有破丑氏
族三野利氏族五把利氏族一又

有殺牛族野鷄族皆黨項也其強者與吐蕃姻援贊普悉王之因是擾邊凡十年郭子儀
言黨項陰結吐蕃為變可遣使招慰因令將作少監梁進用為慶州刺史至是殺牛族與

野鷄族有隙聞官軍討野鷄饋餉迎奉官
軍利其財畜而掠之殺牛族反與野鷄合

案舊五代史慶州北十五里寡婦州蕃部野鷄族居之寰宇記寡婦原在
安化縣界慶陽府志城北三十里有寡婦砦一統志以為即寡婦之譌

周起申師厚為左衛將軍拜河西節度使
自安國鎮至涼州立臨河蘭三州以控扼
諸羌用曾豪為刺史時涼州夷夏雜處師

厚小人不能撫有世宗時師厚
留其子逃歸涼州遂絕於中國

案蘭州府志安國鎮即漢安故廢縣與河州接壤後周太祖改為安國鎮以控扼諸羌又
平涼府志安國鎮在平涼縣西四十里即古平涼縣治所唐貞元七年劉昌築胡谷堡改

名彰義堡九域志平涼縣有安國耀武二鎮今屬化平縣通志安國鎮在府西三十里鎮西有古城疑卽彰義堡後改爲安國或曰安國卽胡谷之譌四達衝途實爲要鎮今重築新堡與鄆現白水花三鎮俱集商旅

是歲周勅令慶州權鹽務

今後每青鹽一石依舊抽稅錢八百八十五陌鹽一斗白鹽一石抽稅錢五百十五陌鹽五升此外不得別有邀求

案慶州今改慶陽縣陌借作百五代史緡錢出入每陌足錢八十字但苟如前說則青鹽一石應稅足錢七千八百文恐無是理疑作八百八十五錢八折繳解姑志之以俟博識

又案歸田錄云用錢之法自五代以來以七十七爲百謂之省陌今市井交易又尅其五謂之依除咸平五年陳恕知貢舉選士最精所解七十二人王沂公會爲第一御試又落其半而及第者三十八人沂公又爲第一故京師爲語曰南省解一百依除殿前放五十省陌也

慕壽祺曰甘肅全省封域開闢最古幅員遼闊物產豐饒而民生需要之鹽則又所在多有且或不藉人力結自天然治疾調藥應用甚廣特以地處邊徼羌虜雜居秦漢以來時

戰淪陷因之民生凋敝廣地人務鹽法蕩然志稱闕略不可考矣後周始確鹽務於慶州其引課如何規定亦不可得而知也况慶州素不產鹽勅令中所指青鹽當是大小花馬

池之鹽由甯夏運州聽民食用公家收課而已

(癸)周廣順三年遼應歷三(丑)年是歲凡五國三鎮

春正月周野雞族請降

野雞族慶州蕃部也

三月周甯州殺牛族反

殺牛族素與野雞族有憾且聞官軍討伐相聚饋餉欣然迎奉官軍利其財貨擊畜遂劫奪之翻為蕃族所誘甯州刺史張建

武至包山負險之地官軍不利為蕃人迫逐投崖墜澗而死者數百人

案西魏書甯州皇興二年為華州太和十年改為班州十四年為邠州二十年改蘭州西遷後又改甯州領西北地郡趙興郡襄樂郡又合之曰邠甯隋大業初改州為北地郡唐

武德初復曰甯州後設邠甯節度使屬關內道五代因唐之舊亦重鎮也

周勅令前慶州刺史郭延慶

一作彥欽歸私第

初延慶再刺慶州兼掌權鹽擅加檢錢民夷流怨州北十五里窻婦山有蕃部曰野

雞族延慶作法擾之蕃情憤悻好為不法延慶乃奏野雞族掠奪綱商帝遣使齎詔撫慰望其率化蕃人既苦延慶貪政至是勒歸私第

詔邠州節度使折從阮甯州刺史張建武進兵擊慶州野雞族

周主以野雞族掠奪商旅侵擾州界

詔遣建武等率兵擊之仍先賜敕書安撫如不從命即進軍問罪建武勇於立功徑取野雞族長擊殺百餘人

周以郭元昭為慶州刺史

為撫殺牛族也初元昭刺解州與權繼使李溫玉有隙溫玉婿魏仁浦為樞密主事元昭疑仁浦庇之會李守貞反溫玉

有子在河中元昭收緊溫玉奏言其叛事連仁浦周主時為樞密使知其誣釋不問至是仁浦為樞密承旨元昭代歸甚懼過洛陽以告仁浦弟仁滌仁滌曰吾兄平生不與人為

怨見旨以私害公乎既至仁浦白以元昭為慶州刺史

夏四月偽甯州刺史王洪以城降周

周主帥諸軍北征壬辰至乾甯軍洪即以城降見唐十八陵無不發掘者屢戒晉王榮曰此撫他多

藏金玉故也我死當衣以紙衣斂以瓦棺壙中無用石

秋九月吐渾使黨富達等來朝於周

冬十月己未周甯州刺史張建武責授右司禦副率

以建武擊野雞族失利故罷其任先是包山之敗折從阮

等以兵自保不相效應周主置不問

十一月黨項使吳帖磨五等來朝於周

案宋祁言邊事疏臣頃任延川節度判官經涉五年蕃部之事熟於聞聽大約黨項吐蕃風俗相類其帳族有生戶熟戶接連漢界入州城者謂之熟戶居深山僻遠橫過寇掠者謂之生戶其俗多有世仇不相交往遇有戰鬪則同惡相濟傳箭相率其從如流雖各有鞍甲而無魁首統攝併皆散漫山川黨項界東至河西銀夏西至靈鹽南距鄜延北連豐會厥土多荒隙是前漢呼韓所處

案史周太祖郭威於漢隱帝乾祐三年冬十一月舉兵反殺其主承祐漢太后下詔授監國符寶於威威遂即皇帝位制曰朕周氏之裔號叔之後國號宜曰周改元一日廣順至顯德元年春正月帝疾篤詔

晉王榮聽政是為周世宗

世宗 (甲) 周顯德元年正月世祖睿武孝文皇帝榮立冬北漢乾 (寅) 祐七年孝和帝鈞立遂應歷四年是歲凡五國三鎮 春正月周靈武留後

馮繼業正授節度使

秋七月癸酉周河西軍節度使申師厚責授右監門衛率府副率 師厚在涼州歲餘以所部糧食

蕃情反覆奏乞入朝尋留其子為留後不俟詔離任故責之

慕壽祺曰師厚殆亦庸人而已矣涼州規模宏敞兵士精強畜牧又為天下饒漢寶融晉張軌乘中原多事據此以撫有河西此固華人避亂之區而亦英雄樹立功業之地况師

厚奉命而來較之藉端割據者名正言順豈不足有為乎乃竟膽小如鼠擅離職守其罪小拋棄邊疆其罪大宋興又數十年始以丁惟清為西涼守此其中之羌情反覆民氣凋傷豈非師厚胎其禍耶

周夏州節度使西平王李彝興加守太保涇州張鐸加檢校太尉靈武馮繼業

加檢校太傅

(乙卯)周顯德二年遼應歷五春正月周遣使入夏州

李彝興以折德辰亦為節度使恥之塞路不通周世宗謀於宰相對

曰夏州邊鎮朝廷每加優惜府州福小得失不繫重輕且宜撫諭彝興庶全大體世宗曰德辰數年以來盡力以拒劉氏奈何一旦棄之且夏州惟產羊馬貿易百貨悉仰中國我

若絕之彼何能為乃遣供奉官齊詔書責之彝興惶恐謝罪

夏五月周鳳翔節度使王景宣徵使向訓

一作洪向

偕趨秦州

世宗謀取秦鳳求可將者宰相王溥薦竇徽使

向訓詔訓與鳳翔節度使王景偕趨秦州先是唐懿宗咸通四年置天雄軍於秦州以左金吾將軍王彥實為天雄軍節度使偕成西禮與隴渭屬焉昭宗乾甯二年岐王李茂貞盡取鳳翔以西州縣地隸之迄後唐莊宗初又為後蜀孟知祥所有唐亡五代之際前蜀王建永平三年遣王宗儁等攻岐取其秦鳳階成四州至於大散關晉同光二年蜀以王

承休為天雄軍節度使天雄軍者秦州也後漢天福十二年故雄武軍節度使何建以秦
階成三州降後蜀蜀人又取鳳州至是秦鳳人戶怨蜀政苛刻相次詣闕乞周主舉兵收

復舊地乃詔景與訓率師赴焉是月朔
日景上言已領軍由大散關路進攻

案大散關即大震關在清水縣東七十里隴山下即隴關也憑高據險襟帶華戎自古為
關中之襟要唐大中六年隴州防禦使薛逵奉詔移築故關僻在重岡之上苟務高深今
移要會之中實堪控扼舊絕井泉遠汲河流今臨水挾山危牆深塹克揚營壘之勢乞改
為安戎關從之由是以大震關為故關而安戎為新關新關改築於隴山上西去夜關三
十里與故關並為戍守處定戎關即今安夷關
又方輿勝覽大散關在良泉縣為秦蜀要路

周以沙州留後曹元忠為沙州節度使檢校太尉同平章事

蜀秦州監軍趙使季札遁歸

周伐蜀王景等攻自秦州後蜀主孟昶以韓繼勳為雄武
軍節度使聞周師至歎曰繼勳豈足以當周兵耶客省使

趙季札請行乃以季札為秦州監軍使季札行至德陽聞王景拔蜀黃牛等八寨懼不敢
進先遣緇重及姬妾西歸單騎馳還奏事比入成都眾以為奔敗莫不震恐昶召問之季
札惶懼不能道一言昶怒斬之乃遣高彥儔李廷珪伊審徵等
出掌倉以拒周師彥儔大敗走青泥於是秦成階鳳復入於周

秋九月周王景大破蜀軍於上邦

是役也斬首數萬
級蜀軍聞之破膽

周南面招討使王景都監向訓取蜀秦鳳等州

先是秋七月周宰相世景等久無功饋運不繼因請罷之以宗命殿前都

虞候趙匡胤往視之還言秦鳳可取狀議遂決乃以景為南面招討使訓為都監蜀主遣問使如北漢及唐欲與之俱出兵以制周二國許之及趙季札遁歸蜀主大懼命衛聖都

指揮李廷珪知樞密院事伊審徵拒周兵廷珪遣李進據馬嶺寨又遣奇兵屯白澗又分兵出鳳州之北絕周糧道閏月王景遣裨將張建雄將兵二千抵黃花又遣兵千人趣唐

倉扼蜀歸路蜀將王魯與建雄戰敗奔唐倉遇周兵又敗馬嶺白澗兵皆潰廷珪等退保青泥嶺雄武節度使韓繼勳棄秦州奔還成都判官趙玘舉城降斜谷援兵亦潰成階二

州皆降蜀人震恐世宗欲以玘為節度使范質固爭乃以為郢州刺史百官入賀世宗舉酒屬王溥曰為吾擇帥成邊功者卿也李廷珪伊審徵西歸請罪蜀主皆釋之初蜀李太

后謂其子孟昶曰吾昔見莊宗跨河與梁戰及先帝在太原平二蜀諸將非有大功無得與兵故士卒畏服今王昭遠出於腐養伊審徵韓保貞趙崇毅皆膏粱乳臭子素不習兵

徒以舊恩置於人上平時難敢言者一旦疆場有事安能禦大敵乎以吾觀之惟高彥壽太原舊人終不負汝自餘無足任者蜀主不能從時蜀人多言廷珪為將敗覆不應復典

兵始罷其衛聖都指揮冬十一月景又克蜀鳳州擒其節度使王環都監趙崇溥不食死明年春正月周以王環為驍衛大將軍賞其不降也

案鳳州今陝西鳳縣魏孝昌中置南岐州廢帝三年改為鳳州又秦州舊志黃花驛名在兩當縣境兩當志以今縣為黃花縣故址魏唐高祖武德元年析梁泉為黃花縣當在

陝西鳳縣地後廢為黃花驛唐武元衡夜宿嘉陵江絕云悠悠風旆遠山川山驛空濛雨作煙路半嘉陵頭已白蜀門西上更青天自注在兩當驛作兩當故城在今縣東三十

里薛達有題黃花驛七絕
或云黃花谷名末詳處所

又案宋史董遵誨傳周顯德二年討秦鳳大將軍韓通又表遵誨自隨與賊戰於唐倉先登陷陣擒蜀招討使王鸞以獻克秦鳳二州師還錄其前後功補東西班押班又遷驍武指揮使太宗即位兼領靈州路巡檢遵誨不知書豁達無崖岸多方略能挽強命中武藝皆絕人在通遠軍凡十四年安撫一面夏人悅服李萬超傳周祖開國從征慕容彥超又為都壕砦使以功授洛州團練使豫收秦鳳又王全斌從向訓平秦鳳論功授恩州團練使

冬十月丁丑周右散騎常侍康澄責授環州

蜀成州亦歸順於周

先是閏九月癸丑蜀秦州觀察判官趙珙以本城降時則階成二州猶未下也會斜谷蜀兵亦潰階成二州請降是月辛未成州歸

順階州
繼之

十一月乙卯周曲赦秦鳳階成等州管內罪人

自顯德二年冬十一月以前凡有罪犯無問輕重一切釋放

十二月周免秦成階等州稅外科徭

初蜀得秦成階鳳四州經費則按畝分攤糧秣則就地徵發一草一木悉取諸地方隴南人民

處客軍強權之下吞聲忍氣致怒而不敢言非惟漢人為然也雖氏羌亦在所不免久之復巧立名目非法征徭方謂此蚩蚩者皆西蜀征服民族彼其如我何於是蕃漢各首領

詣闕請援世宗乃命王景率兵出大散關連下城砦復命向訓爲西南面行營都監蜀人聞鳳州急遣李廷珪伊審徵及監軍王勣孫超等千五百餘員統兵出北堂倉以解鳳州之圍斯時蜀人之在秦鳳者聞援軍將至籌備軍需繁如牛毛急如星火鞭胸杖背者有之賣兒鬻女者有之承辦各員假公濟私者亦有之估客船頭戰旗高插仇池山上無地可藏愁歎之聲上聞於天幸而上却戰勝矣又幸而秦成階繼來降矣獨鳳州一隅城久不下軍事一日不結束人民痛苦卽一日不解除今鳳州業經克復而鴻澤猶復哀鳴非所以宣德音蘇民困也世宗乃舉蜀人所派稅外科徭悉罷之

慕壽祺曰唐宣宗時百吏奉法政治不擾海內安靖幾十五年繼以懿僖不君唐室壞亂是以人思大中之政爲不可及論者謂之小太宗焉自宣宗後歷百餘年而周世宗出焉夫五代愛民之君有三而世宗尤爲不可及前入論其卽位以來漕運給耗慮倍輸也保在令錄防貪穢也冬役春罷恐防農也毀寺禁度僧械蠹弊也立兩稅限知早徵之害也設科求士欲吏治有方也均定田租使富不掩貧也併鄉村置團耆絕公身侵漁也罷課戶俸戶省官方私擾也稱貸不責償欲下霑實惠也至是詔免秦成階鳳四州稅外科徭民之悅之猶解倒懸也是乃仁心也推而充之可以保四海矣

(丙辰)周顯德三年遼應歷六年夏六月甲子周以鳳翔節度王景爲秦州節度使兼

西面沿邊都部署 後恭帝卽位封景爲涼國公

秋八月周以白重贊移鎮涇州重贊原任河陽節度使

(丁)周顯德四年北漢天會元年遼宋太宗至道元年復城古威州拒李繼遷周齊環州為通遠軍

案唐志威州本安樂州在今環縣靈州中衛境初吐谷浑為吐蕃所滅其部落自青海徙於鄯州不安其居又徙於靈州之境咸亨三年以靈州之故鳴沙縣地置州以居之領縣

二曰鳴沙今中衛縣地曰溫池今惠安堡屬靈州至德後沒吐蕃五代晉天福四年於方渠鎮置威州方渠故城在今環縣南七十里周廣順二年改威州曰環州顯德四年州廢

為通遠軍宋淳化五年復為環州隸環慶路明改為環縣屬慶陽府

(己)周顯德六年夏六月恭帝宗訓立是歲凡五國三鎮春三月甘州回鶻獻玉於周却之

案五代史回鶻其地出玉犂牛綠野馬獨峯駝白貂鼠羚羊角礪砂臙脂金剛鑽紅鹽屬鹽池除之革宜白麥青稞黃麻葱韭胡荽駝耕而種之按所出如白貂鼠金剛鑽等

蓋非土物特以所貢言也

慕壽祺曰時至五代吐蕃黨項回鶻吐谷渾割貢中國其使不絕於途而回鶻尤款誠備至以周世宗言之顯德元年三月回鶻遣使者來同年五月回鶻使困難攻略來五年三

月回鶻遣使者來四月又遣使者來皆甘州回族也使歷代元首就其恭順之機而變其風俗抑其勁悍之氣而以文明為萬世開太平其在斯乎無如視同夷狄屯漢民分道而

馳馴致養成殺機如今日之貽患鄉邦可勝歎哉

案史世宗名榮初封晉王本柴氏周太祖妻兄之子以為嗣在位六年改元一曰顯德六年夏四月世宗自將伐契丹五月取瀛莫易置雄霸州遂趣幽州有疾乃還六月帝崩梁王宗訓立是為恭帝明年春正月禪位殿前都檢點趙匡胤是為宋太祖

又考後梁朱氏自太祖丁卯受唐禪至末帝壬午共二主一姓歷十六年後唐李氏自莊宗癸未滅梁至潞王乙未共四主二姓歷十二年後晉石氏自高祖丙申代唐至出帝丙午共二主一姓歷十六年後漢劉氏自高祖丁未代晉至隱帝庚戌共二主一姓歷四年後周郭氏太祖辛亥代漢至恭帝己未共三主二姓歷九年前後五十餘年更易十二主至宋太祖受周禪天下從此太平矣

北宋

(庚)周恭帝宗訓元年宋太祖神德皇帝趙匡胤建隆(申)元年遂應曆十年是歲周亡宋代凡五國三鎮 春正月癸亥以西平王李彝殷

守太尉 是年四月西平王獻犂牛

夏四月詔禁涇原邠慶等州補蕃人為邊鎮將

甘肅通志卷之九

靈道昌明敘武崇文時代

宋太祖

三五

綿州俊華印書館出版

(辛) 宋建隆二年應曆十
西) 一年是歲凡五國三鎮 春三月辛亥以雄武節度使兼中書令太原郡王王

景為鳳翔節度使充西面沿邊都部署 景起兵伍性謙退每朝廷使至雖卑位皆
盡禮或言王位崇不宜過自損抑景曰人

臣重君命固當如此我惟恐不謹耳至是自
秦州來朝帝優待之宴賜加等復遣鳳翔

冬十一月節度使曹元忠瓜州團練使曹繼等遣使獻玉鞍勒馬 瓜沙自後唐同
光初曹義金遣

使開道通貢及義金卒其子元忠元深等亦皆遣使中國至是入貢於宋先是唐復河湟
張義潮子孫世守其地終唐之世西陲晏然不見兵革逮至朱梁允嗣中絕衆推曹氏繼
帥其土世稱唐官朝貢者又百餘歲雖所領僅瓜沙
兩州而息民事大以保守其疆土猶承義潮遺訓也

(壬) 宋建隆二年應曆十二年南唐 春正月丙子瓜沙歸義節度使曹元忠獻馬
戌) 後主煜元年是歲凡五國三鎮

時元忠守
瓜沙二州

案曹元忠於五代兵戈之際守瓜沙兩州薛居正舊五代史歐陽修新五代史僅附其事
實於吐蕃傳而云卒立世次史失其紀宋史雖立沙州傳疏略又甚焉今合歐薛二書及
宋遼兩史紀傳續資治通鑑長編册府元龜與敦煌石室遺籍考之其卒立世次粗可觀
覽曹氏自五季以還兼事遼宋玉帛恆交於兩境比勘兩史所記其先後君長承襲若合

符契惟遼史聖宗紀載統和五年沙州節度使曹恭順授子越恭順之名不見他書且是時帥沙州者方為曹延祿不容同時有兩節度又敦煌遺籍中有開寶八年歸義節度使曹延恭施捨疏考之諸史是時元忠尚存且元忠卒後代者延祿亦非延恭二者均牴牾不可通乃尋繹再三知元忠之卒必在開寶八年以前自乾德紀元以後朝貢不至中土者十有九年於時西陲朝貢多為黨項所劫至執其使者賣之他族以易牛馬故瓜沙貢使或附同歸于闐以至遠大平興國五年使者入貢始知元忠已卒史家乃誤以是歲為元忠卒年至嗣元忠之延祿當是延恭之譌又譌延恭為延繼也延恭前既為瓜州防禦使矣延祿之名先是固未嘗一見至遼史之恭順亦必為延恭曹氏貢宋用二字名貢遼則用一字觀宗壽之稱壽賢順之稱順可以類推遼史恭順之順當是衍文蓋涉下曹順而誤也既定正元忠之卒年與延祿之名誤於是曹氏世系釐然無復疑滯

三月定難節度使李彝興遣使獻馬三百匹

太尉大喜親選玉命工為帶以賜之

夏四月丙申以趙贊為彰武軍節度使別受密旨許便宜行事

贊將至延州乃分置步騎前後絡繹

林莽之中遠見旌旆羌渾迎者莫測其數無不畏服贊延壽子也帝注意謀帥既命贊屯延州又命贊進詣守環縣王彥昇守原州馮繼業鎮靈武以備西夏李漢超屯關南馬仁瑀守瀛州韓令坤鎮常山賀惟忠守易州何繼筠鎮棗州以拒契丹又以郭進控西山武守琪戍晉州李謙溥守隰州李繼勳鎮昭義以禦大原諸臣家族在京者撫之甚厚郡中築榷之利悉與之恣其圖回貿易免所過征租由是邊臣皆富於財得以養募死士使為間諜洞知敵情每入邊必能先知預備設伏掩擊自此累年無西北之虞得以盡力東南

取荆湖川廣
吳越之地

五月壬子蕃部尙波于等爭採造務以兵犯渭北知秦州高防擊走之

防時爲
雄武軍

節度使
知秦州

六月癸巳以樞密使吳廷祚爲雄武軍節度使知秦州

州西北夕陽鎮古伏羌縣
地西北接大較材植所出

戎人久擅其利及尙書左丞壽陽高防知秦州建議置采造務取其材以給京師蕃部尙
巴約帥衆來爭帝不欲邊境生事乃遣廷祚代之先一日謂之曰卿年高久掌樞務今與

卿秦州庶均勞逸明日制出卿以
離朕左右不能無憂故先告卿也

案宋史太祖本紀六月壬子蕃部尙巴約等爭采造務以兵犯渭北知秦州高防擊走之
案是月癸巳以吳廷祚代防如紀所書之日則防以狀聞擊走在命廷祚後二旬恐誤今

從長
編

罷秦州采造務

帝詔曰朝廷制置邊防撫常部落務令安集豈有侵漁曩者秦州設置三
若止以採取材木供億京師雖在蕃漢之交不妨牧放之利汝等占據木

植傷殺軍人近得奏高防汝等見已拘執聽候進止朕以汝久輸忠順必悔前非特示懷
柔各從寬宥已令吳廷祚往仲安撫及還舊地所宜共體恩旨各歸本州旋罷采造務赦

尙巴約等罪所繫
戎俘並釋遣之

秋九月庚午吐蕃尙巴約獻伏羌縣地
尙巴約等請詔書並蒙錦袍銀帶之賜感悅至是來獻地

冬十二月甲辰帝以西鄙羌戎屢爲寇改虢州刺史盧龍姚內斌爲慶州刺史

甘州回鶻可汗于闐國王等遣使來朝進馬千匹橐駝五百頭玉五百兩琥珀

五百觔

(戊辰)宋開寶元年遼應曆十七年北漢主繼元廣運元年是歲凡四國一鎮夏六月宋以董遵誨爲通遠軍使
宋以夏州近邊

授遵誨通遠軍使及至鎮召諸酋長諭以朝廷威德衆皆感悅後數月復來擾邊遵誨率兵深入其境俘斬甚衆

關西大旱饑

讀此評不能無
感於今日瓜分
帛裂統一究在
何時

慕壽祺曰五代之亂極矣國家不能統一則生靈塗炭終無已時天牛太祖於夾馬營中以爲生民主詩不云乎綏萬邦屢豐年固天休備至時也而開寶元年關西大旱豈大兵之後必有兇年歟

三陽川與陽三
川作者分晰清
楚但甘肅地名
如高平與平高
治安改定廣
莫郡領定廣
西兩州領西
縣也一而足也

是歲置秦州二陽砦

三陽川在秦州北四十里地濱渭水至是置砦領渭濱武安下馬牛
聞喜伏歸峽日照川上門四顧平戎西青赤崖湫西青遠近滋十四

堡

案秦州志邽山在州西北三十里北為龍馬山渭水流經其中再北為三陽川又靜甯縣
南九十里有陽三川自莊浪縣境來入苦水水經注受渠川東流出大隴山西經受渠亭

北又西南入瓦
亭川或曰即此

(巳)宋開寶二年遼保甯元

冬十一月庚申回鶻于闐皆遣使來貢方物

回鶻使者
道由靈州

交易於市知州段思恭遣吏市礪砂吏與使者爭直忿競思恭釋吏不問械繫使者數日
始貸之使者歸懇於其國回鶻可汗遣使齎牒詣靈州詢械繫之由思恭自知理屈不敢
報自是數年回鶻不復入貢

十二月乙酉以房州防禦使王彥昇為原州防禦使

太祖命李謙溥守慶州董遵
誨屯環州王彥昇守原州馮

繼業鎮靈武筭雒之利悉輸之軍中聽其貿易而免其徵稅邊臣
富於財得以為閒謀羌夷情狀無不預知二十年間無外顧之憂

慕壽祺曰國家所以奔走天下士而為我効力邊疆者金錢耳太祖用彥昇諸節度其賊
入未嘗問豈故為是包荒哉蓋香餌之下必有死魚多財之買必獲餘利若斤斤焉計較

繼鉢則是財者居之所重命者將之所輕君不以所重與下欲得下之所輕不亦難乎故成大事者不惜小費

(辛)宋開寶四年遼保寧二年是歲宋沒
冬十月丙戌吐谷渾貢於遼

(甲)宋開寶七年遼保寧六年
以李繼遷為定難軍內都知蕃落使
李繼遷者宋定難軍留後繼捧族弟

也初生於銀川無定河而有齒人咸異之

(乙)開寶八年遼保寧七年是歲江南亡惟北漢至太宗太平興國四年乃亡續秦州羌綱目依季子綱目唐高祖武德七年例於宋用大德紀年今依之

寇土門州兵擊走之
秦州大石小石族寇土門略居民知州張炳擊走之

宋史太祖名匡胤受禪於周在位十六年改元三曰建隆曰乾德曰開寶當其受禪之初羣山隱士陳搏聞而喜曰天下從此太平矣即位之後遣使分賑諸州回視五代之君奚

翹天淵宜其削平諸國混一區宇也歎以太平興國元年冬十月帝暴崩皇太弟晉王光義即位是為太宗

慕謙曰事固有出於意料之外者宋太祖有天下鑿唐末藩鎮之構思有以杜其弊於杯酒間釋諸將權自節度以下第坐給餘祿所以攘抑後禍者斯固盛矣此時朔方李彝興靈武馮繼業其兵柄未嘗解在當時籠絡羈縻若謂此區區者究何損於國家豈知夏州深在沙漠姦雄易於竊據至宋仁宗時元昊跨有一方大為邊患是豈開國者所預料

載

太宗(丁丑)太平興國二年

遼保寧十年

春三月秦州安家族寇長山巡檢使韋韜擊

走之

因命與馬知節田仁朝周承瑨王侁梁崇贊劉文裕屯兵清水秋七月曹瑋攻敗吐蕃築清水城及四砦

以慕容德豐知慶州兼邠甯都巡檢

德豐嘗破小過族奪名馬數十匹賜詔書以褒之

冬遣殿直張璨詔諭甘州外甥回鶻可汗賜以器幣

回鶻自唐世與中國為甥舅歷五季至宋上書並自稱外

甥可汗朝廷下詔亦如之時將招致名馬美玉以備車騎琮璜之用故遣使焉

宋史甘州回外又有西州回鶻焉其道遠其朝貢不常宋太祖建隆三年四月西州回鶻阿都督等四之二人以方物來貢乾德三年西州回鶻可汗遣僧法淵獻佛牙琉璃

器琥珀盞太宗太平興國六年其王始解西州外生師子王阿廝蘭漢遣都督麥溫來獻五月遣供奉官王延德等使高昌後真宗景德元年又遣使金延福來貢接外生者仍唐

甥舅之稱故甘州回鶻奉表於宋亦稱甥舅

十一月戊戌遼以吐谷渾叛入太原者四百餘戶命招討使喜覿索而還之

升清水縣銀冶為太平監

清水縣西三十里小泉峽內唐設銀冶於此至是升為太平監

慕壽祺曰財用出乎地而振興在乎人得其人則無用化為有用不得其人則利民適以病民清水兩富皆有銀礦唐宋用土法開採固天地間之無盡藏也惟監之規模擴大家設一機關人民即多一分負擔其廢之也固宜今則機器發明而猶棄貨於地豈人才之難得耶

家設一機關人民即多一分負擔其廢之也固宜今則機器發明而猶棄貨於地豈人才之難得耶

寅三年遼乾亨元年春二月秦州內附蕃部騷動命郭守文乘傳撫諭西夏悅服

秦州言戎酋王泥猪寇八狼成巡檢劉崇讓擊敗之梟其首以徇先是秦州諸族數來寇路帝下

詔曰秦州內屬三族等傾慕華風聿求內附俾之安輯咸遂底甯近聞乘蕃育之資稔寇攘之志敢忘大惠來撓邊疆豈朕信之未孚而吏撫之不至並獨擊咎特示威懷今後政更剽剽吏即捕治實之於法不須以聞後又來寇崇讓集其帥之首

秦州羌數來寇略三陽床穰弓門等砦監軍巡檢使周承瑨任德明耿仁恩等會兵擊敗之秦州羌從此不復寇掠矣

案清水縣床穰鎮在縣西十五里牛頭山下宋開寶九年置熙甯八年改為堡舊志云領白石古道中城東城定戎定安西城雄邊臨川德威廣武定川扶河鎮邊十四堡今多廢

恭門鎮在縣北七里秦昭王所築命白起鎮之宋改為寨今為

鎮又弓門砦宋太平興國中築在赤城川東坡上領小砦五

六月秦州清水監軍田仁朗擊破西羌斬獲甚衆

己卯遼乾亨二年春三月辛未歸義軍節度使曹元忠卒其子延祿自稱留後遣

使修貢

夏四月丁丑詔贈元忠燉煌郡王授延祿歸義節度使

五月乙巳夏州李繼筠乞帥所部助討北漢是年七月繼筠卒其弟繼捧權為定難軍留後

庚辰遼乾亨三年以鄭文寶為陝西轉運副使前後自環慶部糧越早海入靈武者十二次曉達蕃情習其語經由部落每宿曾帳

中其人或呼為父

壬午遼乾亨五年夏五月己酉夏州留後李繼捧入朝獻其銀夏綬宥四州夏州自李思恭

以來雖奉中朝正朔但知保存地盤而已至是繼捧入覲並獻銀夏綬宥四州地

案銀州後周分置即今米脂縣隋廢州屬雕陰郡唐復置銀州夏州唐貞元三年置夏州節度使中和二年賜號定難軍即今榆林府餘見第一卷元封四年朔方注綬州西

即今綏德州隋改州爲雕陰郡以州城西南有雕山故名唐太宗貞觀二年平梁師都復置綏州宥州唐初置在靈州夏州南境餘見第七卷元和九年夏五月注宋初俱爲夏州李氏所據其地俱在陝北與今甯夏府毗連

六月乙亥遣使發繼捧總麻已上親赴闕其弟繼遷奔地斤澤

繼捧之先累四世未嘗入覲繼捧至

宋帝甚嘉之賜白金千兩帛千匹綬百萬祖母獨孤氏亦獻玉盤一金盤三皆厚賚之繼捧陳其諸父昆弟多相怨願留京師乃遣使夏州總麻已上親赴闕獨繼遷居銀州不樂內徙繼遷時年二十勇悍有智謀與弟繼沖親信張浦等謀曰吾祖宗服食茲土逾三百年父兄弟列居州郡雄視一方今詔宗族盡入京師死生束縛之李氏將不血食矣奈何繼沖曰虎不可離於山魚不可脫於淵請乘夏州不備殺詔使攜綬銀可以得志浦曰不然夏州難起家庭蕃部親望克文兼知州事尹憲以重兵屯境上卒聞事起朝發夕至銀州羌素不習戰何以禦之吾聞小國則人仲不若走避漠北安立室家聯絡豪右捲甲重來未爲晚也繼遷善之僞稱賀再死出塞外以甲兵置棺中與其黨數十人奔入蕃族地斤澤澤距夏州東北二百里

慕壽祺曰李繼捧可謂忠矣彼之意謂銀夏綬宥四州地固中國領土遭逢聖世不宜私相授受如唐末藩鎮之不服從中央也乃舉而奉還國家毫無自私自利之心豈非難能而可貴者乎宋室處以操切詔繼捧總麻已上悉赴闕遂致節外王枝釀成西夏獨立之局非自貽伊戚也耶

冬十月夏州奏擊李繼遷破之

十一月己酉以李繼捧為彰德軍節度使並官其昆弟夏州蕃落指揮使克信

等十二人有差

十二月詔赦銀夏等州常赦所不原者

案唐書天寶間改宥州為甯朔郡宥州漢三封縣地唐初六胡州刺史以統之其故城在甯夏府境內又宋初於靈武設臨河鎮置巡檢使管番部後俱為西夏所據

癸未八年遼統和元年西夏李繼遷二年秋九月夏人攻宥州巡檢使李詢擊走之初宋帝詔綏銀夏等州官吏招引沒

界外民歸業繼遷見部下攜貳謂張浦曰我宗社久墟蕃衆飢餓今中國以財粟招撫流民親難散殆不可支浦曰宋兵逼駐銀夏勢難與爭宥州富庶特橫山為界若誘諸部

併力圖之阨險觀變亦克復之策也繼遷乃誘西戎衆合二萬人攻宥州巡檢使李詢率所部蕃漢卒擊走之

甲申雍熙元年遼統和二年冬十月知夏州尹憲襲李繼遷破走之憲與曹光實襲繼遷於地斤澤大破之斬

首五百級焚四百餘帳繼遷與其弟繼冲遁獲其母妻而還

乙酉二年 遼統和三年 春三月夏人破會州 是年二月李繼遷誘殺宋汝州團練使曹光實 遂襲銀州殺之繼遷又自稱留後以張浦劉仁

謙為都押牙預署諸州刺史等 官至是破會州焚毀城郭而去

遣知秦州田仁朗等將兵討繼遷 繼遷圍宋河西三族砦將折遇也殺監軍使者與繼 遷合仁朗次綏州奏請益兵留月餘俟報會繼遷攻

撫甯砦仁朗喜謂諸將曰敵人逐水草散保巖險常鳥合為寇勝則進敗則走無以窮其 巢穴今繼遷嘯聚羌戎數萬盡銳以攻孤壘撫甯小而固兵少而精永可以決旬破當信 宿俟其困以大兵臨之分強弩三百邀其歸路必成擒矣仁朗部署已定欲示間暇日縱 酒搏精不恤軍事帝知之遣使召仁朗赴闕下御史按問朗請益兵及陷三族狀仁朗對 曰所召銀綏夏兵其州皆防賊不遠所部有千餘人皆習光實舊卒器甲不完故請益 兵况轉輸芻粟未備三族砦與綏州去道遠非元詔所救昨臣已定擒繼遷策會詔代臣 其謀不果因言繼遷得部落情願降詔懷來之或以厚利啗 諸酋長密圖之不爾恐他日難制大為邊患帝特貸死流商州

夏四月李繼遷攻我夏州 夏州行營破西番息利族斬其代州刺史折 羅遇並弟埋乞又破保洗兩族降五千餘戶

丙戌三年夏四月契丹授李繼遷定難軍節度使都督夏州諸軍事 契丹主以繼遷 效順遣侍中蕭

里得持詔授繼遷定難軍節度銀夏綏宥等州觀察處置等使特進 檢校太師都督夏州諸軍事繼沖為副使時遼聖宗統和四年也

冬十二月黨項咩兀等族謀殺李繼遷不果
繼遷凶忍虐用其屬宥州黨項咩兀等族首領部指揮遇也布九人謀誅繼遷

時繼遷剋期攻銀州會諸族於照定河劍遇也布等以暗箭射之中其鼻創久不愈師期乃緩遇也布以聞帝賜敕書安撫之

丁酉 遼統和五年 李繼遷復攻夏州
知夏州安守中以三萬衆戰於王亭鎮敗績繼遷追至城門而返

戊子 端拱元年夏五月以李繼捧爲定難軍節度使賜姓名趙保忠遣歸鎮
初改感德

軍節度使屢發兵討繼遷不克又數以敕招諭繼遷及同惡蕃部繼遷亦嘗遣孔目官張浦詣知環州程德元自陳歸順之意然繼遷終不肯降益侵盜邊境宰相趙普建議欲復

委李繼捧以夏臺故地令圖之因召赴闕賜姓趙氏更名保忠帝又親書五色金花牋以賜之授夏州刺史充定難軍節度使夏銀綬宥靜等州觀察處置押蕃等使賜金器千兩

銀器萬兩并賜五州錢帛芻粟田園保忠辭曰宴於長春殿賜襲衣玉帶銀鞍馬錦綵三千匹銀器三千兩又賜錦袍銀帶五百副馬百匹命右衛第二軍都虞候王景節兵千人

護送之及還保忠以土物爲贖臬拒而不納

冬十二月以李繼遷爲銀州刺史充洛苑使
保忠詭言繼遷悔過故有是命然實無降心也

(庚寅) 淳化元年
遣統和八年夏四月趙保忠襲攻宥州御泥布等樹二族 保忠奉帝詔市馬已

獲三百四二族附繼遷不肯賣馬保忠領兵掩殺二百餘人擒百餘人遂降其族

冬十月李繼遷攻夏州趙保忠乞濟師

繼遷謀取夏州遣破丑重遇貴等至州詐降謂繼遷創其不能軍保忠信之不設備繼遷

陰合諸族渠帥突攻州城繼捧出兵拒戰重遇貴等從中起保忠僅以身免遣使上表乞援

(辛卯)二年

遼統和九年夏十年

春正月丙子遣商州團練使翟守素帥兵援趙保忠於夏

州

保忠與繼遷戰不勝乞師於朝帝遣翟守素率兵援之賜保忠茶百斤上燭十石

五月李繼遷帥萬餘衆寇靈州

圍城歲餘地震二百餘日城中糧糗皆絕中使寶神寶潛遣人市糴河外齊運以入開出兵擊賊卒全其城

秋七月李繼遷奉表請降以爲銀州觀察使賜姓名

特授金紫光祿大夫檢校太傅兼御史大夫銀州管内觀

察使封天水郡侯食邑一千五百戶賜姓趙名保吉仍放朝謝許便之官

冬十月趙保忠復破宥州禦泥布羅樹二族

以朋附繼遷也

李繼遷攻會州熟倉族

熟倉大族東西蕃部五千餘帳皆保聚岩谷爲環慶藩籬繼遷不得熟倉不能入環慶遣使誘之曰身已歸朝賜國姓今後請

勿相拒共稟朝命諸酋勿應繼遷山鐵斤澤引
兵攻之咩悉復率來離諸族拒戰繼遷始還

(壬)三年 遼統和十年 春二月韓德威掠靈州李繼遷遣使訴於契丹 初繼遷之附契丹也

德威請納之既得繼遷諸夷皆從置書褒獎未幾繼遷受賂潛懷二心奉詔率兵
往諭繼遷託以西征不出德威忿怒至靈州俘掠而還繼遷遣使訴狀賜詔安慰

癸巳四年 遼統和十一年 夏四月李繼遷攻慶州 繼遷雖復綏銀猶以未得有夏等州遣使
入請帝不許繼遷怒曰五州故地先業留

遺拓土展疆是誠在我乃令於衆曰身雖薄德承累世之澤撫諸族之豪安能迷運守常
沒身沙漠諸君其努力圖之遂以李大信爲蕃部都指揮使率衆犯慶州州北直接沙漠
地形漫衍無險可恃時以繼遷納款戰守無備兵至人情駭懼
知州劉文質以私錢二百萬給賞於是士皆奮鬪大信不能勝

秋八月李繼遷入原州 陝西歲比不登加以饑餉勞擾民不堪命繼遷偵知虛實
率兵入原州圍牛欄砦與圍練使石普相持數日乃還

甲午五年 遼統和十二年 春正月李繼遷攻靈州州將慕容德豐迎擊敗之詔遣李繼

隆等進討繼遷 先是靈州及通遠軍皆言繼遷攻圍諸堡寨侵掠居民焚積聚帝聞
之怒曰繼遷叛渙砂磧中十年矣朝廷始務含容賜以國姓授以觀

察使賜予加等俸入優厚仍通其關市又以綏宥州委其弟兄可謂恩寵俱隆矣乃敢如
是朕今決意討之至是命馬步軍都指揮使李繼隆爲河西兵馬都部署尙食使尹繼倫

爲都監以討繼遷又命李繼周開治塞門鴉兒兩路並招降族帳首領二十餘人率所部入夏州敗蕃將數千於石堡砦

春三月保忠爲繼遷所襲奔還夏州指揮使趙光嗣執之李繼隆帥師入夏州

保忠既不能制繼遷反與連謀聞繼隆將至乃先攜其母及妻子卒吏壁野外上言已與繼遷解仇貢馬五十四乞罷兵帝怒立遣中使命繼隆移兵擊保忠及兵壓境保忠反爲繼遷所圍欲并其衆縛牙將趙光祚夜襲保忠帳保忠方寢聞難作單騎走還城繼遷盡爲繼遷所奪初保忠遣其指揮使趙光嗣入貢光嗣頗輸誠款詔補供奉官再遷禮賓副使保忠動靜光嗣必以聞及保忠陰結繼遷光嗣潛知之因出家財散士卒誓以效順至是保忠還光嗣執之幽於別所丁丑開門納王師繼隆入夏州令指揮使許均守之繼遷遁

案宋史太宗本紀及長編三十五李繼周秦翰傳云王師次延州翰慮保忠遁卽乘驛先往矯詔安撫以緩其計及王師至翰又勸保忠以地主之禮郊迎因並驅而用保忠遂就擒按保忠先已出次野外旣爲保吉所迫乃還光嗣遂執之安得與翰俱迎王師也耶

夏四月削所賜繼遷趙保吉姓名置夏州城

上聞保忠旣成擒詔以趙光嗣爲夏州團練使高文峴爲綏州團練使削繼遷所賜姓名帝以夏州深在沙漠本奸雄竊據之地欲墮其城遷民於銀綏間因問宰相夏州建置之始呂蒙正對曰昔赫連勃勃後魏道武末僭稱大夏天王蒸土築城號曰夏

頗與關右為患若遂廢毀萬世之利也乙酉詔墮夏州故城遷其民於綏銀等州分官地給之長吏倍加安撫李繼隆聞朝議欲墮夏州遣其弟洛苑使繼和與監軍秦翰等入奏以爲朔方古鎮賊所窺覷之地存之可依以破賊並請於銀夏兩州南界中增置保戍以扼其衝且為內屬蕃部之蔽而斷賊糧運皆不報

六月西蕃首領七遇一作亂遇來歸也遇彙訛路熟倉首領也向屬宋繼為繼遷所驅脅叛宋至是也遇率部族反攻繼遷其弟力戰而死既敗繼

遷之衆復歸宋宋以爲會州刺史

李繼遷復攻夏州不克遂走漢中繼遷據夏州囊駝路驅脅內屬戎人張崇實與田敏李熟倉族也遇戰於雙壇殺二千餘級掠牛羊囊駝

錯甲為衆連詔褒諭繼遷復攻夏州與許均一日十二戰不勝遂走漢中遣其將佐趙光祚張浦求納款會於石堡若崇實椎牛醞酒犒諭之給以錦袍帶

冬十一月遣內侍張崇貴持詔諭繼遷賜以器幣茶藥衣物先是繼遷遣牙校以良馬來獻且謝過猶

稱所賜姓名答詔因稱之又遣其弟延信如宋奉表待罪言違叛事出保忠願赦勿誅上召見延信面加慰撫錫賚甚厚至是復命繼遷為銀州觀察使庚戌詔曰省所進馬囊駝共百一十二頭匹待罪朕握圖宇恭已臨民務推舍垢之仁式示戢兵之武向者以卿遠輸誠款願革前非朕道在納汗情深赦過特授察廉之任厚加賜撫之恩寵以嘉名賜之國姓朕之於汝無所負焉豈意卿未及踰年已忘大德脅從蕃部擅舉甲兵攻逼城池度劉民庶背恩肆惡一至於斯料卿所為良切興歎所以旋徵師旅俾命討平既除手足之

親已失輔車之勢甯保全於歲月暫假息於朝晡近者累上表書頗引愆犯且言違背事
出保忠今備貢輸乞加渥澤朕以好生為德以禁暴為心卿倘能誓改過尤永堅忠節朝
廷爵賞亦何悵焉朕不食言爾宜自省今遣內侍押班張
崇貴賜卿器幣茶藥衣物等禮朕意焉蓋王禹偁筆也

(乙未)至道元年遼統和十二年 年夏十四年春正月丁巳涼州吐蕃當專以良馬來獻

春正月甲戌李繼遷遣使以良馬藥駝來貢左押衙張浦入貢帝校射於崇政殿令浦觀之

夏六月李繼遷攻西蕃唾呢族俘七百餘帳西界蕃部不下數十萬帳始猶互相捍拒及繼遷兵勢寔盛自靈州北河外鎮

戎軍環州至靈州山內外黃河以東諸族無不帖服獨唾呢族首領不遁不肯下繼遷以兵掠其七百餘帳并遣兵潰奔蕭關副首領你也連遣子詣靈州請救宋

詔賜以資糧

環州熟倉族也遇略奪李繼遷牛馬繼遷令人招撫之也遇答云吾一心向漢誓死不移

秋八月議城古威州拒李繼遷上議城古威州遣內侍馮從順訪於鄭文寶文寶言威州在清遠軍西北八十里樂山之西水甘土沃有良木

耕之利約葫蘆臨洮二河壓明沙蓋關兩成東控五原北固峽口足以襟帶西涼咽喉靈州城之便然環州至伯魚伯魚抵青岡青岡距清遠皆兩舍而清遠富羣山之口扼塞

門之要芻車野宿行旅頓絕威州隔城東隅堅石盤互不可浚池城中舊乏井脈又飛鳥泉去城尚千餘步一旦緣邊警急賊引平夏勝兵三千據清遠之衝乘高守險數百人守環州甜水谷獨家原傳箭野狸十族脅從山中熟戶党項孰敢不從又分千騎守贛北清遠軍之口則自環至靈七百里之地非國家所有豈威州可禦哉請先建伯魚書岡清遠三城為頓師歸重之地古人有言金城湯池粟不能守俟二年間秦民息肩臣請建營田積粟實邊之策修五原故城導三池鹽利以金帛啖党項酋豪子弟使為朝廷用不惟安朔方制豎子至於經營安西綏復河湟此其漸也詔從其議語見宋史鄭文寶傳

案甜水谷即甜水堡在今環縣北二百里有泉水甘自洪德城以北四百里無草木人煙稀少水鹹苦不可食行旅至此汲水飲以療渴亦范仲淹築接甯夏中衛界

丙申二年遂統和十四年夏十五年春正月命白守榮等護送芻粟於靈州為李繼遷邀敗於浦

洛河芻粟盡為繼遷所得先是繼遷以千騎攻清遠軍又遣人以厚賂誘韓德威攻府州上以繼遷之數為邊患也將不得已而用兵迺命洛

苑使白守榮馬紹忠等送糧靈州為繼遷所邀敗於洛浦河上聞之怒亟命李繼隆為靈環十州都部署因請將失期士卒困乏繼隆素剛因慚憤肆殺戮乃奏轉運使陳絳梁鼎軍儲不繼並坐削秩三年春繼遷以蕃部從順者衆遣其軍主史亂遇率兵屯橐駝口西北雙雉以遏絕之執倉族蕃官亂遇來告繼隆遣劉承蘊田敏會亂遇討之斬首數千級

獲牛馬橐駝萬計

案宋史田紹斌傳時紹斌爲會州觀察使奉令率兵應援與白守榮護送芻粟四十萬於靈州至洛浦河被圍繼遷初見紹斌旌旗不敢擊守榮等自欲邀功與戰繼遷先伏兵以羸騎挑戰已而伏發守榮等戰敗丁夫愕眙遁蹂踐至死者衆紹斌率所部徐還一無遺失至清遠與張延州會食周仁美傳仁美與馬紹忠白守榮田紹斌都芻糧趣清遠軍仁美爲先鋒至枝子平與虜角走之明日又戰於浦洛河自己至戍戰數十合進壁乾河紹忠守榮皆敗走紹斌退止浦洛河仁美所部不滿三千身中八創護芻糧官吏直抵清遠紹斌繼至深歎其勇幹表上其功又王昭遠爲靈州路都部署護二十五州芻粟竟達靈武繼遷不敢犯又馬元方知萬年縣諸將討繼遷關輔轉餉踰旱海多死亡獨元方所部全十九是遺饋亦不盡爲繼遷所得

蘇壽祺曰軍行以糧儲爲要需山川形勢險易遠近尤爲治軍所重浦洛河之敗誤於白守榮一人政府最初計畫令車重先後作三隊丁夫持弓矢自衛士卒布方陣以護之遇敵則戰可以無失而守榮乃併爲一遷其失一繼遷邀擊於浦洛河守榮等欲擊之田紹斌曰蕃戎輕佻勿棄輜重與戰當按轡結陣徐行守榮等忿曰若但率兵來迎勿預吾事一戰而敢貽中國羞其失二先是鍾輓趨靈州爲繼遷所鈔轉運副使鄭文寶請芻青白鹽以困之前車者後車之鑿此次又以輕戰敗衆潰芻粟喪失用人不當咎在中央其失三有此三失宋之屢次失敗豈非輜儲失道之所致乎

夏四月以李繼隆爲環慶等州都部署殿前都虞候范廷召副之討李繼遷上聞

浦洛河之敗怒亟命繼隆等討繼遷

案史李繼隆字霸圖潞州上黨人至道二年為靈環十州都部署初饋饒靈州必由旱海踰冬及春芻粟始集繼隆排眾議堅請取道古原州蔚茹河太宗許之遂率師進壁古原州令如京使胡守澄城之始為鎮戎軍

吐蕃請助兵討李繼遷

五月癸卯李繼遷侵靈州

靈州圍急上將棄之廷議未決命張崇貴與馮訥乘傳往議其事乃益兵固守時中使竇神寶在靈州繼遷圍城歲餘地

震二百餘日城中糧糗皆竭潛遣人市糴河外宵連以入間出兵擊繼遷繼遷引去

秋七月議出師五路援靈州

時曹傑自河西至言繼遷眾萬餘圍靈武城中上表告急為繼遷所得遂頓兵不去時朝議或云率輕騎三道搆平

夏或云暑涉旱海無水泉糧運艱辛不如諍以待之帝不聽即部分諸將五路進討李繼隆出環州丁罕出慶州范廷召出延州王超出夏州張守恩出鄜州

西涼府蕃部為李繼遷所掠

吐谷渾蘭州西界甘州北界吐蕃領姑臧神烏番禾昌松

嘉麟五縣戶二萬五千有奇宋初置府淳化中殿直丁惟清奉詔往西涼市馬比至而境大稔因為所留至是土人請立帥宋帝即以惟清知府事繼遷知西涼強盛進攻府城押

蕃落副使折逋喻龍波禦却之與吐蕃都部署沒緞于入朝獻名馬以告

案姑臧縣漢置即今武威縣後魏改曰林中隋仍曰姑臧唐高祖武德二年又分置神烏縣與姑臧俱為涼州治番禾即番和縣漢置初屬張掖郡晉太元中後涼分置番禾郡隋

改縣唐因之今為永昌縣在涼州府西一百六十里昌松即蒼松縣漢置後涼呂光改曰昌松兼置昌松郡尋改東張掖郡今為古浪縣在涼州府東南一百三十里餘見第三卷

晉安五年秋八月注嘉麟本漢宣威縣晉永嘉五年前涼張軌移秦雍流人於姑臧西北置武興郡領武興晏然等七縣後涼呂光改置嘉麟縣後廢唐神龍二年復於涼州故

漢魏高縣城置嘉麟字記昌松縣有鸞鳥嶺涼張氏築其故城在武威縣南

九月 虜寇等破遷遷於烏白池獲米幕軍主吃囉指揮使等繼遷遁 先是帝部分諸

轉攻討命聯隆出環州取東關順用赤樓苦井路赴之繼隆以所出道回遠乏水請由棗駝路徑趨繼遷巢穴且遣繼和入秦帝召詰之知其必敗因遣周瑩齋手詔切責督其進

軍赤樓營至繼隆已便宜發兵不俟報與丁罕行十餘日不見敵引軍還張守恩見賊不擊季兵歸本部獨道廷召出延州與夏人遇烏白池夏人為方陣來拒廷召與石保興磨

衆出入陣中會保興乘馬中流矢挺身持滿易騎奮呼且行且鬪凡三日四十二戰獲米幕軍主吃囉等繼遷乃引去王超出夏州以其子德用為先鋒將萬人與繼遷戰鐵門關

斬首十三級俘掠畜產以萬計進師烏白池敵銳其超不敢進德用請乘之得精兵五千轉戰三日敵勢卻德用曰歸師追險必亂乃領兵距夏州五十里絕其歸路下令曰亂行

者斬一軍肅然超亦為之按轡繼遷驕其後左右望其師整不敢近是役也諸將失期獨廷召與王超大小數十戰屢克捷帝嘉之

案唐靈州五原郡領縣二曰五原有烏池產鹽曰白池本興甯縣武德元年置貞觀元年與州同省二年平梁師都復置景龍三年改曰白池宋陷於西夏廢其故城在靈州東花

馬池界花馬池今改鹽池縣屬甯夏

冬十月夏州地震

繼遷將攻夏州會地震百餘日城郭廬舍多壞不敢駐營去

十二月以曹瑋知渭州

繼遷叛諸將數出無功帝問曹彬誰可將者彬曰臣少子瑋可任即召見以本官同知渭州時年十九渭州有告戍卒叛入夏

國者緯方對客奕棋遽曰吾儕之行也夏人聞之即斬叛者投其首境上

丁酉三年遼統和十五年冬十月李繼遷寇靈州合河都部署楊瓊擊走之

先是靈州屯戍軍校

鄭美達王將令權叛投繼遷說以靈州可取狀繼遷授指揮使職令為前導率兵攻靈州與都部署楊瓊戰於合河鎮北大敗失人畜無算己以騎五百掠城下又敗退走三十

里乃免

十二月李繼遷請降以為定難節度使復姓名趙保吉

先是帝以靈州事宜訪李至至上疏言靈州自鄭文

寶爲國生事絕青鹽使不入漢界禁粒食使不及羌夷致彼有詞而我無謂關輔生靈困轉輸之役歸然空壁老我師徒張頤待餉者不下五千送糧四十萬而止獲六萬彼之戶口四千有餘今則不盈數百矣彼之租課四十五萬二千有餘今則無子餘矣守安可復得耶此之失策雖悔何及至是繼遣使修貢求備邊任帝雖察其變詐時方在諒闇姑務甯靜因從其請乃命張崇貴齋詔來投繼遷夏州刺史定難軍節度夏銀綬宥靜等州觀察處置押蕃落等使復賜姓名蓋用王禹稱策也帝初命翰林學士宋湜草制湜知帝意必欲歸其事於太宗因進辭曰先皇帝早深西顧將議真封屬軒鼎之俄遷建漢壇之未及春茲遣命實付眇躬爾宜望弓劍以拜恩守封疆而效節帝甚悅時繼遷既得夏銀綬宥靜五州東西二十五驛南北十餘驛地方數千里

李繼遷殺其將鞞鞞

鞞鞞夏名將與渭州對壘十餘寨宿兵十餘萬夏人歲遣數百騎精銳覘視兩界曹瑋忠鞞鞞智勇計欲問之令探騎伺彼巡邊兵

來適鞞鞞病月餘不能起瑋乃於營中設一大祭贈鞞鞞器物照耀原野用版祝云大宋具位曹某昭告於夏風都護某公累以蠟書約提所部歸我大宋待公之來不期天喪吉人事無終始令百騎守寨下望其兵近即舉火自燒故遺祝文並所用銀器千餘兩皆棄而歸夏兵盡掠祝版祭器而去獻於繼遷繼遷因假他事誅鞞鞞其下二十餘帳反側不安率衆叛降於宋

案史太宗初名匡義後更名吳宋太祖弟在位二十二年改元五日太平興國曰雍熙曰端拱曰淳化曰至道帝沈謀英斷儉勤自勵閭農事考治功慎刑獄納練爭故能統一天

下勳業炳然以至道三年三月崩太子恆即位是為真宗

慕壽祺曰天之所興人不能廢斯言其不爽哉太平興國七年李繼捧率族人歸宋太宗嘉之遣使夏州護總麻以上悉赴闕繼遷時年二十以計脫免後與弟繼獅等據銀州破會州勢漸張大西人以李氏世著恩德往往多歸之遼以義成公主嫁繼遷册為夏國王未幾奉表歸宋賜姓名趙保吉以為銀州觀察使是為西夏之太祖繼遷以景德元年正月卒子德明立宋以靈夏兩戶及山界番漢併授德明割據之勢由此萌芽是為西夏之太宗及至元昊席繼遷之餘蔭嗣德明而稱王衣冠既就文字既行禮樂既張器用既備敢以一垓之土地建為萬乘之邦家遂僭稱世祖始文本武興法建立仁孝皇帝國稱大夏年號天授復用張元昊是為之輔弼國中大修孔子廟緣邊豪傑聞風而往蓄甲治兵與宋相抗鬱延環慶涇原秦隴所以不能弛備也非夫雄略冠時英姿不世天與神授緯武經文者孰能與於此乎

是歲建鎮戎軍於原州

駐原州平高縣地

案宋之原州後改鎮原縣平高縣名漢置在鎮原之西其詳見第一卷漢光武建武十年秋八月帝如長安注鎮戎軍駐此領城三日彭陽曰平夏曰懷遠餘見副編第一卷鎮原沿革一覽表又平遠縣東一百五十里固原縣東一百二十里明成化十二年巡撫余子俊奏設守禦千戶所於此隸固原衛一名鎮戎所即葫蘆峽舊城城周三里高三丈後至嘉靖二年增築墩臺十九座今名李旺東城民國初平遠縣改為鎮戎以鎮戎所得名非指鎮戎言也

宋史紀事本末

聖道昌明 敘武崇文時代 宋太宗

廣州俊華印書館出版

甘肅青史略卷八終

